





鎮江金山




汴梁繁塔在  
門外宋  
代所建  
高五丈  
餘外有  
寺古碑  
繁甚多  
旁設有  
蠶桑局  
風景極  
佳





廬 山 俄 國 浴 池



塔 山 公 園 乃 馬 莫 園  
干 玉 山 所 捐 建 在 塔 莫 干 山  
山 絕 頂 公 (海 拔  
園 五 千 七  
百 尺)



黎元洪字宋卿六十一歲湖北黃陂人。光緒十四年畢業於北洋海軍學堂中日之戰。服役海軍中。戰後隨兩江總督張之洞在甯供軍職。張移督湖廣。隨赴武昌助編練新軍。旋赴日留學兩年。習軍事防禦歸國任湖北新軍炮隊隊官。漸擢至陸軍二十一標標統。辛丑武昌起義。被推為鄂軍大都督。組織武昌軍政府。十一月各省代表。南京會議。舉為大元帥。清廷

## 名 人 錄



遜位當選臨時  
副總統。授上將。  
民國二年六月。  
兼江西都督。是  
年十月大選當

選副總統。入京。兼任參政院院長袁世凱謀復帝制。封武義親王。上書辭謝。袁敗以副總統繼大總統。命令恢復臨時約法。召集國會。省議會。六年夏張勳擁兵入京。被迫解散國會。復辟後通電辭職。十三年徐世昌被逐。曹錕吳佩孚復擁為大總統。旋復被脅離京。繼由津南下。未幾東渡遊歷日本。現退居津寓。不問政事。

## 博文女學校招生

本校文學專科初級中學完全小學  
選科各級均有餘額自即日起可隨  
時報名有畢業及修業證者得免試  
驗八月廿二日開學章程函索即寄  
校址打鐵浜蒲柏路校董章太炎張  
溥泉高淞荃等名譽校長張退菴校  
長黃樸君同啓



# 編 輯 者 言

△本報第一二兩期現均銷盡、各方索購者紛至沓來、苦無以應、深以為歉、統容再版後補奉、敬此聲明、

△本報因創辦伊始、編輯形式、均甚特別、手民尚未習慣、以致錯誤甚多、從本期起、已與嚴定辦法、以後不致再如前錯誤、

△本報封面寶塔係在河南開封城內、乃北齊時所建、塔高二十七丈有零、塔內古佛甚多、皆齊朝所造、塔上之瓦色有黃綠之分、宣統二年法國教士欲以五萬元購塔頂葫蘆、經洋人反對乃止、塔中古佛有移置公園者、每尊可值數萬元之巨、塔之中層有碧色磚墻不能移、本圖乃本社駐汴記者寄贈、塔下為城牆、惜照片不甚清晰、城牆不易識別也、

△本期因稿件擁擠致將預定發表之「俄國財政金融整理之成績」「中國麵粉業調查」及徐公美君之「演劇術概論」未能披露、當于下期揭載、

△下期有「意大利怪傑之面影」一文為意相墨索黑尼之事績、極有興趣、又有清室宮女之慈禧秘紀尤為珍品、特此預告、乞閱者注意、

## 目 錄

社評(三則)

論日本奢侈品加增關稅……………政之

評收回滬公廨運動……………公展

美國限制華人赴美入校感言……………冷觀

蘇俄第一任大使加拉罕君之談話……………北京特約通信

戰爭原因之解剖……………英國羅素著 子寬譯

美國排斥中日移民之回溯……………記者

德發債票案解決之經過與現在……………駐京徐致穎記者

週之觀念今昔之變遷……………邵飄萍

北京宣布之憲法評論(續第一期)……………吳南如

國內外一週大事記……………公展

夢(小說)……………Clare Thornton著 馬二先生譯

著名導演家勞合特之最近巨作……………毅華


中國影片新評(苦兒弱女)……………一得

自由論壇(異哉今之所謂武力統一者)……………移山

輿論輯要……………記者

名人錄(黎元洪)





社評

## 論日本增加奢侈品入口關稅

政之

日本近改訂奢侈品入口關稅。包括品目至二百餘種之多。稅率至值百抽百之重。受打擊最大者首推中國。蓋綢緞夏布磁器皆已列入重徵之數。以故輿論譁然。反對紛起。關於茲案。記者竊欲有所論列。以促中日雙方政府與國民之注意。

就日本方面言。吾人請先從日本自身利害上觀察。據日本當局宣稱。此次增加奢侈品關稅。係為抑制浮華。提倡節約起見。果爾則事屬日本內政。吾人固無表示贊否之餘地。然而吾人考察日本之經濟地位。所需要者實為原料。而其精製品之銷納地。又實在中國。依關稅政策之原則。原料之輸入本應免稅。然後精製品成本低廉。方可以耐市場之競爭。今該案品目雜糅。取舍失當。既未諮詢于工商事業家。亦未經經濟會議審核。徒以內閣新立。急于標榜善政。忽遽發表。致將日本所需之原料品如毛皮木材之類。以及日本與朝鮮習用之蔴苧絲織等。概入奢侈重徵之列。行見國內物價益趨騰昂。在力能浪費者決不以此而減其豪奢。徒令中下級人民受物價暴騰之敝。此誠事之至不公平者。且既稱因抑制浮華而增加關稅。則國內稅則亦應同時重徵奢侈品。方可達到原始目的。如徒加重外貨之徵額。僅足以收獎勵國內奢侈品生產之効。而原料之加稅。正為自行縛束。恐其獎勵之作用。亦適成請君入甕之結果。矧日本雖

係國定稅率。各外國無如之何。然除中國為協定稅則之國。不能自由加徵外。其他各國均儘有重徵日本商貨以為報復之餘地。此吾人為日本計。謂宜將加稅品目從長討論。重行釐定。勿以害人者反而自害也。至于中日兩國經濟關係之密切。本為無可否認之事實。中國政府雖無用關稅報復日本之自由。中國人民則儘有消極的抵制日商發展之能力。即彼移華經營之日本紗廠糖廠。雖有政府為之復援。若無華人助之工作。為之顧主。恐雖有國款補助。亦決無營業發達之可能。日人對華。向來祇知用政治的陰謀。而不知謀社會的接近。祇知求局部的親善。而不知結普遍的好感。今既欲振興對華貿易。而同時即重徵華貨。不惜對全體華人挑戰。此種矛盾現象。令人不解。日本果欲圖經濟的中日親善者。謂宜勿失顧客之歡心。而改訂奢侈品稅則。削除華產原料商品之加徵。否則中日親善。乃欺人之談。惡感且愈積而愈深。其結果華人固受損失。恐日人之所失。更在豫想之利益以上也。

至就吾國方面言。目下一面宜從雙方利害切實解說。促起日本政府與議會之反省。冀于十二月國會正式會期。量為修改。將蔴苧絲織諸品。訂為例外。以保持華人對日感情。一面則宜就輸出美俄兩國之貿易上。積極進行。準備填補。且中俄初交新復。善感方多。而俄國工業復活。與我之



經濟關係將來尤為密切。吾之原料產品正不妨向東西俄境別開銷場。同時更調查日本行銷于中國之貨物。何者為吾人之所必須。何者屬于吾人浪費。必須之品亟宜以國產替代。浪費之物不妨效法日人。刻苦自制。勿復購用以吾國今日社會經濟非常枯窘之時。少用一分外貨。即少耗一分元氣。雖無日本排斥華貨之事發生。國人亦早應有所振作。謂宜乘此機會。作大規模之國貨提倡運動。以周密之組織。精細之調查。負責之宣傳。為有條理有實用之規畫。初不必斤斤以排日為口頭禪。其結果必遠過于歷來排斥日貨之有虛聲而無實力有宣傳而缺組織者萬萬。日本排斥吾貨之損失。不難使日人自食其報。吾人失之東隅者仍可收

## 評收回滬公廨運動

(公展)

中國最奇特之法庭。莫過於今日上海租界之會審公廨。謂其為各國領事裁判權精神之所寄乎。則大不然。會審公廨與條約上所謂領判權。正如風馬牛之不相及也。領判權之侵害吾國主權。茲姑不論。即退讓萬步。承認不平等條約未經修改以前。領判權之存在。幾等於『天經地義』。不容吾華人妄加非難。然亦不能因此而即認今日會審公廨制度之合理。夫所謂領判權者。甲國人民。旅居乙國時。犯罪訴訟事件。仍由甲國派駐乙國之領事或其他官員審判。而不受乙國法院之管轄是也。然則英國在華雖有領判權。其領事祇能審判英國人民。推而至於美國。日本。以及其他各國。其領事亦均祇能審判其本國人民而止。吾華人之犯案。固

之桑榆也。

抑吾人尤有感者。以日本今日之國力。猶且兢兢焉懼國民久習豪華。凋敝民力。在政府則勵行減政。計畫裁兵。在民間則提倡儉德。標榜節約。起視吾國。在上者軍閥官僚。攘權自利。浪費無度。在下者則浮華成風。個人生活大抵超過其經濟能力。以致外貨充斥于市廛。國人年年言排日而日本在華商工業之發展也如故。人人恨國際資本主義。而外貨之受人歡迎也如故。可知國民無艱苦刻勵之精神。無改革政治之勇氣。雖到處開會。日發宣言。究無裨於事實。此則願舉世熱心國事之各界人士有以自省自決。亟從履踐篤實痛下功夫也。

不容外國領事之越俎也。夫上海會審公廨係照按一八六八年洋涇浜章程而設。其要點有三。(一)公廨為中國自設之官廨。廨員由滬道遴委。(二)純粹華人間之民刑訴訟。外人無會審權。(三)審判刑事權限祇限於發落枷杖以下之罪名。是可知華洋合審之惡例雖開。而會審範圍猶有限制。命官主權。尚未旁落。顧自辛亥革命以還。上海領團巡將公廨接管。由暫而久。把持不還。數其悖謬。約有五端。(一)會審官由領團舉任。經費由領團管轄。是則中國已失任命法官之權矣。(二)純粹華人民刑訴訟。領事亦派員輪流會審。則不但外人不受華官審判。且使華人在本國境內反受外人審判矣。(三)審判權限。初限枷杖以下。繼



改五年徒刑爲限。今則竟有判至十年二十年者。是其逾權判決。無可諱矣。(四)法院必有上訴機關。會審公廨之上訴機關。初因定爲滬道。自辛亥滬道廢。而上訴無途。是則一審即成終審。世界之惡制度。甯有過於此者。(五)會審公廨雖規定適用中國法律慣例。而一究其實。則僅由會審官自行酌定。無所謂適用之法律。判案之任意軒輊。固久爲世人所詬病。綜此五者。今日會審公廨之制度。違約悖理。顯而易見。不必煩徵博引。即可知吾華人要求收回之理由。實至當而不易。天下事。不外情與理。吾持此情此理。以與外人折衝。鏗而不捨。終有到達目的之一日。何況華盛頓會議。各國對於領判權尙允撤廢。祇待調查中國司法狀況後。即可

實行。而今之所謂會審公廨。則固超越領判權以外之奇怪制度乎。愚以爲收回公廨以後。即宜參酌東省特區制度。設立上海特區法院。其編制法規。當含類似下列數項之要點。(一)法院等級分高等地方二廳。除法官爲華人外。得酌聘外國法官或律師爲顧問。(二)凡租界內民刑訴訟。概歸審判。(三)牽涉外人之案件。得由顧問一人陪審。(四)審判概適用中國法律。除牽涉外人案件得聘用外國律師外。餘概由中國律師担任辯護。(五)不服地方廳判決。得向高等廳上訴。如是。則在領判權未實行撤消以前。猶得挽回一部分之主權。否則吾人與今日奇怪無倫之會審公廨相與終古。固不惟上海一隅人士之差也。

## 美國限制華人赴美入校感言

冷觀

美國立國精神素以正義人道爲標幟。日本維新之際。首得美人扶助之力。中國改革以來。亦屢受美國深摯之提攜。是以中美之好感。不限於局部。而普遍於社會。從前美國雖有排斥華工之舉。識者尙曲爲之諒。不幸七月一日新移民條例實行。竟有限制中國學生赴美入校辦法。據美政府宣布。凡中國學生之赴美留學者。除清華學生外。若入其勞工部承認之學校。則可以簽給入境護照。照常乘輪放洋。苟各學生所入學校。不在此承認表中者。即不許前往。惟美國大學甚多。而今次美政府之勞工部所認可者。祇有西佛奇尼亞大學。約翰霍金司醫院等等十四校。可以允許中國學生至美入校留學。若在此十四校以外。一律禁阻中國學生入

校。十四校名如下。(一)麻省理工大學 Massachusetts Institute of Technology, Cambridge Mass. (二)新極雪特羅宗教學院 Drew Theological Seminary, Madison N. J. (三)波士敦大學 Boston University, Boston Mass. (四)本雪佛尼亞費城製藥科學書院 Philadelphia College of Pharmacy & Science Phila. Pa. (五)西佛奇尼亞大學 West Virginia University Morgantown W. Virginia (六)墨列萊特華盛頓播道書院 Washington Missionary College Tokama Park, Maryland (七)墨列萊特電氣學校 Bliss Electric School Tokama Park Maryland (八)紐約洛克



弗洛紀念學校 The Laura Spelman Rockefeller Memorial, 61 Broadway New York (九) 紐約雪萊克司大學 Syracuse University, Syracuse N. Y. (十) 墨列萊特約翰霍金司醫院 The John's Hopkin Hospital Baltimore Maryland, (十一) 紐約耶教弟兄學校 Christian Brothers Academy, Albany, N. Y. (十二) 麻省孟列克書 保姆學校 School for Nurses, Mount Holyoke College Suth Hadley Mass. (十三) 紐約國際教育局 International Education Board, 61 Broadway New York (十四) 華盛頓美國天主教大學 The Catholic University of America, Washington D. C.

均不能得求學之自由耶。此不可謂非咄咄怪事。近年國內青年智識慾日漸增高。國內學校決不足以副有志深造者之希望。而美國戰後科學教育愈益發展。尤合於吾國之需要。吾人方盼望中國青年大隊赴美肄習專門智識。以爲徹底改造中國之用。今不幸美國竟以排斥各國移民之故。連帶及於中國留學生。此實吾人所引爲遺憾。而望中美政府與社會有力者協力圖謀救濟者也。

夫吾人對於各國退回庚款興學。最爲隱憂者。卽在教育界難保不劃成外國勢力範圍。使國民精神上開爲租界。今觀美國之特別待遇清華學生。尤不能不令人惴惴。蓋謂清華之成績特佳耶。則中國學校各成績之更佳於清華者尙不在少。何以一則享受自由。一則橫被制限。甯非不平之甚。天下事往往有用意極善而結果變成誤會者。優待清華之事。特其一端。此尤不能不望美人之反省也。

## 奇

### 凝

## 盜

### 冰

洋場十里。盜劫頻聞。擁資財者咸惴惴終日。不遑甯處。一日。盜投函某商家。約期假七百元。果不與者。且取命以償所欲。商爲某交易所經紀。連年虧折。家無餘資。得書恐不應。且危及生命。乃輾轉向親友告貸。如數。及期以與盜。逾數日。盜又致書商家。商得械大驚。謂盜匪慾壑無邊。得償則更來相逼。詎啓視則累疊紙幣。滿儲其中。附書一。謂「知尊款係告貸而來。吾儕雅不欲令君舉債以償。謹以奉璧。惟君出入必以摩托車。何仍一貧至此。願以奉質。」商至是驚喜交集。且作書報之。並答其所問曰。「……僕之服事從奢者。實緣周旋於勢利者之間。不得不然耳。」自此。盜不復擾。相安無事。



# 蘇聯第一任駐華大使加拉罕君之談話

北京特約通信

記者於八月九日下午三時餘。訪蘇聯大使加拉罕氏于官場胡同官邸。加氏近日進行日俄交涉甚勞碌。于百忙之中。與記者爲三十分鐘之談話。加氏態度極安適。仍不改其平民之風。惟談吐間之鋒鏘。較昔日似稍殺矣。茲將問答大概紀述如下。

記者問 聞俄使館問題行將解決。君對使團宣言。蘇聯仍係辛丑條約之一份子。並願遵守使館界內章程。豈非變更最初之態度乎。

加答 俄使館問題。八國政府復文不日可到。預計下星期內即可交還。余致美使舒爾曼公文中。僅請使團將使館鑰匙交出。俾可派員接收。並未涉及辛丑和約及使館界章程問題。惟余與舒爾曼晤面時。曾口頭聲明。蘇俄暫時當爲辛丑和約之一份子。須俟中俄會議正式開會時。宣言拋棄。但蘇俄爲辛丑和約一份子與否。係使團方面之看法。與交還俄使館無何等聯帶之關係。至使館界章程。將來遷入使館後。當加以攷慮。其應遵守者固應遵守。不能遵守者亦未使相強。總之不能以此列爲條件云云。西報所載。似有與真相不符者。

蘇俄第一任駐華大使加拉罕君



記者問 中俄會議是否須俟接收使館後。再行開會。

加答 此並非蘇俄方面之主張。但在事實上。日內須籌備遷移使館之事。辦公處人員甚爲忙碌。且莫斯科所派專門委員。尚未到京。亦須稍待。惟開議之期。亦必不遠也。

記者問 中俄會議開會後。似當有種種困難之點。如中東路問題。現有法美日三國之干涉。外蒙問題。蒙人以有俄蒙條約之故。不易就範。而奉天方面。與北京政府不能諒解。堅持局部之交涉。此等難題。君意將如何解決。現在進行之狀況。可得聞乎。

加答 余對中俄會議之前途。比較樂觀。君所舉三種困難之點。第一中東路問題。中俄協定大綱及暫行管理中東鐵路協定。已明白規定。中國政府苟有遵守協定之誠意與毅力。何懼第三國之干涉。第二外蒙問題。俄蒙間雖有條約。但決不與中俄協定之精神相抵觸。絕對不能阻礙中俄協定之執行。惟中國對付蒙古之方法。應詳加攷慮。聞現在有力軍閥。擬派兵接收外蒙。軍閥多迷信武力統一。然民國以來。武力統一。業已失敗。今又欲施之于蒙古。恐覆轍。



又將再蹈。似宜另用和平方法較為得策耳。第三奉天局部交涉問題。在現在狀況之下。東三省之特殊勢力。中俄兩國恐均不能不予以相當之承認。但目下蘇俄與張作霖間。尚未有何種協定之締結。將來即有局部之協定。可信與中俄協定決不衝突也。總之中俄遵照中俄協定行事。自無慮難題發生耳。

記者問 君對於廣東政府之態度如何。前次廣東民黨對中俄協定大綱第六條。曾有反對之宣言。君將何以解釋之。

加答 蘇俄對廣東政府。仍保持親善之關係。孫逸仙君及其他民黨要人。曾發表贊成中俄協定之意見。前次有人反對中俄協定第六條。似出于一時的誤會。或係受他人之挑撥也。蘇俄代表鮑洛汀君現仍在廣州。至將來設置領事與否。尚未攷慮及此。

記者問 君前日在八校教職員招待席上。宣布俄國庚子賠款之用途。

## 戰爭原因之解剖

英哲羅素。Bertrand Russell。前歲來華講演。甚為我國學術界所景仰。斯篇為氏近著。從學理事實兩方。解析造成戰爭之原因。關偏頗之論。另標新義。見地有獨到之處。凡研究國際問題。夫社會哲學者。皆當致意焉。

一、凡人苟非狂亂。皆知戰爭若不速謀防止之策。人類生活。將不能堪。世界之有戰爭。已數千年。固未嘗因此而障文化之進步。然以近世軍力之組織與夫戰具之精良。戰爭之破壞力。實遠過於往日。是則防止之方。不可不速行講求。欲求防止之方。當先從學理方面。研究戰爭之由來。以

(一)用于新設之教育機關。(二)用于提倡平民教育。然則舊有之教育機關。不能得此款之補助乎。

加答 舊有之教育機關。教育部本有預算。如在預算之外。從事擴充。當然可以庚款為補助。似不能以庚款抵充預算以內之經費也。

記者問 日使芳澤回京後。聞與君已為數度之會議。交涉狀況如何。雙方不調之點。是否為薩哈連權利問題及辛克雷煤油田問題。

加答 交涉之內容。尚未至發表時機。但概括言之。則悲觀多于樂觀也。至辛克雷煤油田問題。本別為一事。而日本必欲併為一談。殊不可解。蓋日本在中國把持利權。予取予求。已成習慣。今又欲施之于蘇俄。蘇俄烏能忍受。

談至此。加氏並言今日四時尚須赴日使館會議。記者遂興辭而出。

(八月九日)

英國羅素原著  
子寬達指

作者之觀察。世人於造成戰爭之原因問題。頗多批繆之思想。因有此批繆之思想。轉令其弭兵之善意。均不足以生功。夫惟善意與學理之見解。兼而有之。然後以謀防止始可成功。故作者茲篇。乃專就戰爭之原因。作一公正不偏之分析。



欲闡明戰爭之真因。當先屏膚淺失當之理論。多數社會主義者。謂戰爭係產生於資本主義。若資本主義廢除。戰事亦即稍滅。此說也。與事實不符。世界在未有資本主義以前。即有戰爭。且資本主義國家亦未必最爲好戰。美國資本主義最強。然最不好戰。法國最爲好戰。而其實業最穉。歐洲東南諸小國戰事最密。然其中泰半皆農業國。舊俄帝國未嘗愛好和平。然人口百分之八十五。皆屬農民。是故吾人謂資本主義。與其他政治勢力。同與戰爭造因有關。則可。若竟謂資本主義。即足代表一切戰因。則分析未免謬誤。

二、有主張戰爭者。別持一說。言戰爭係人類天性。而歸結于戰爭之無可避免。此說亦淺薄失當。人類天性一語。極欠明瞭。設係指示吾人之本能。別於社會環境言之。則研究人類本能之諸心理學者及人類學者。尙鮮知人類具此本能。且吾人欲審人類有無此項本能。當徧世界人類而驗之。今攷之原始人類。多有不解戰爭爲何物者。僅知有個人間之私鬥。於此足證戰爭固非全屬人類之本能。更以事實言之。本能之作用。並非純因人類天性而起。亦須具備刺激之原因。本能之生作用。有要件二。一爲根性。一爲刺激。如有拳擊人之鼻

者。其人乃發還擊之本能作用。凡曾身受教育者。且多不因此而起本能之作用。又如有十人於此。勺飲不使入口三日。然後與以一杯之水。則此十人將因爭此杯水而起鬥毆。或竟至互相殺傷。然今若有邀客筵宴者。固未聞與宴賓客。有因欲盡奪所有飲食。而致互毆者。何以故。則未有充分之刺激而已。由此推而至於戰爭。亦必因具充分之刺激。然後乃發本



羅素肖像

能之根性。然充分之刺激。無必具之。國家有安度多年。而絕未一經戰事者。吾人固未嘗見其因本性未發展而感受痛苦。雖強毅之人。性喜爭競。要求有爭鬥之機會。然在政治或競技之場。儘可發洩其性欲。不必定演至於戰爭。總之。戰爭起於人類天性之說。祇有兩點。係屬確實。一、本能根性必反應爭鬥心理之刺激。然後發生。二、吾人性欲。必有欲求于

戰爭發洩之者。然刺激可以政治之方法屏除。性欲可以其他非破壞性之爭競發洩。若竟謂戰爭起於人類天性。不可避免。則非確論也。

此外尙有一淺薄失當之論。謂戰爭由於人口問題之壓迫。以此譬解日本。最覺適當。此說爲大戰時德人所倡。而醉心於達爾文主義者時亦唱道之。惟事實乃與此理論相背。法國並無人口問題。顧極好戰。中國人口



問題。尤較日本問題爲亟。然並無好戰之根性。德國在大戰前未嘗生人口問題。有事實可資佐證。然德國竟造成大戰。至如達而文之天演與生存競爭諸說。嘗使人因而感覺戰事係具有生物學上之緣由。在美澳兩洲白人與土番肉薄。確有此種緣由之作用。然近世文明國家間之戰事。生物學之原因實微乎其微。且如英國征服印度。其結果反致被征服之人口增加。而勝利者之人口乃減少。故此說亦不衷於理。

三、作者以爲欲求戰爭之原因。當從政治、經濟及社會心理三方面研究。社會心理一端。論者輒所忽略。茲先從此點述之。社會心理上分人羣爲二。卽有領袖之人羣。與無領袖之人羣。事實上多數人羣皆折衷於此兩者之間。非純屬於兩者之一。換言之。卽此人羣動作之決定。或出於領袖者之獨斷。或出於部屬之意願。而爲領袖者所採納。人類無領袖之合作本能。野蠻人較開化人民爲發達。然卽在野蠻人中戰時殊感無統率者之痛苦。因此遂生領袖之制。與夫戰事服從之義。後世君主制與貴族亦於是而胚胎。

在時有戰爭危險之社會。卽在平時亦有領袖。此事勢所使然。漸變乃成君主專制制度。此一制度有二缺點。(一)若君主採世襲法。則繼承帝統者。自開創雄主而後。其能力常有每况愈下之勢。大權旁落。卒至被擯焉。(二)若君主非取世襲法。則傳繼之時。強者逐鹿。國基常爲搖動。羅馬及中華之式微。卽其例也。近世鑒於此失。乃肇民主代議之制。平和選舉非世襲之領袖。取法固良善。然人羣中領袖與臣附者間戰爭心理之舊關

係。猶依然存在。其危險仍及於和平。

領袖之權力。戰時較平時爲宏。和平受危險時較和平確保時爲宏。凡爲領袖者。與夫希望領袖人民者。皆具有好大喜功之性。故對於能增高其權威之道。莫不樂于爲之。夫在戰時權威既過于平時。領袖乃常率有民於戰之危險。惟今余之說並非謂領袖者之心理。卽純屬如是之直捷。第彼既想望人民有忠誠服從等道德。則不期然而欲於戰爭中使人民發揮之。在彼或僅信戰爭爲發揚道德之具。然而發生之戰爭要不能不謂係由其增高權威之欲望而來。至有種領袖在權力由于傳統的習慣而來。因社會新運動之故。權力有搖動之虞者。其勢尤然。如有宗教關係之皇帝或大臣均屬於此類。當一九一四年俄德兩皇皆欲戰爭。其所抱真意無非咸欲借人民戰爭之感。激起種族擁戴首領之虔誠。藉以掃除民主主義所產生之社會新組織。雖結果二皇均以戰敗而失帝位。然其始固望戰爭勝利也。大臣好戰。類復如是。中國哲人墨翟昔倡非戰主義。率者甚衆。卒以危及國家。其說被禁。華人視白種人之宗教。亦具此主義。然見西人提倡宗教人物。嗜戰反逾恆人。深滋疑惑。不解其故。此無他人。民戰時所生之恐怖。既足使宗教領袖增長威權。則此輩欲求人民擁護。自亦如帝皇之例。不期然而具戰爭之好而已。


四、上節所述。乃領袖方面之戰爭社會心理。今轉就人民方面言之。人民苟非因本身之願望及意想與其領袖相同。決不願隨其領袖而動作。戰爭苟不得常人之同情。則導民作戰之領袖。人民固亦可棄之如遺。惟



至戰端初啓之後。首領人物較之戰前。初常多得人民之擁護。此則由於恐怖與憤怒之作用。蓋戰爭同時亦起於敵方。故人民對十敵方。輒表憤恨。且恐怖戰爭危害之程度愈高。憤恨亦益以深切。惟人民此種態度。未

必皆發自真實。當戰爭初起。人民對於交戰雙方之處境。輒不及平心體察。僅惑於一時宣傳之說。悍然主戰。及夫受人欺罔。其過失大半皆由於自身之忽略。故吾人於戰事亦不能全令領袖人物任其咎也。恐怖爭勝。喜得土地。與夫好見紛擾諸心理。皆爲常人不願反對戰爭之重要原因。此諸心理中恐怖所生之作用。稍爲繁複。恐怖有一定點。逾此定點之恐怖。則足防止戰爭之發生。不及此定點之恐怖。則反促進戰事。蓋明知戰爭必至於失敗。人民誰復甘心爲之。反之若交戰雙方勢力均衡。恐怖嫉恨而後。則雖細故。亦可挑起戰爭。至好得土地之心理。則常釀成帝國主義之戰。如南美之戰。西班牙美國之戰。皆其例也。若此心理不獨君主有之。即普通人民亦多願其本國伸張強權。對於弱小民族一顯其國家之英武。此種思想。英國最爲發達。美國則尙幼稚。然今後亦必發達而無疑。

也。至好觀紛擾心理之釀成戰爭。其因果尤明。不待解說。不幸近世教育發達。讀新聞紙者愈衆。此種心理作用。其勢力亦愈偉大矣。促起戰爭之動機。每矯託於失實之說。不啻豁露於外。類此之說。每足蔽



英國軍隊所用新式唐克戰車

聽者之聰明。以人信其爲事實也。好戰者之真心。遂轉得而掩飾。不幸社會有識之士。大都亦染狂易之疾。非惟不斥其謬誤。且從而和之。舉國若狂。直如瘋人院中。遽失監守。迨夫事過境遷。往時憤激中之言行。多不暇追憶其妄謬。故吾人若於戰爭之後。令人一翻閱開戰初時之新聞報章者。則莫自驚其輕惑於人言。苟當時不爲意氣所乘。決不至遽認此爲事實。當一九一四年之秋。傳聞比國兒童被敵斷去兩手。是時言者雖未能確舉其中一人之姓名居所。然聞者乃深信不疑。此事在今日。泰半英人殆已忘之。是即矯誣之說之一例也。類此事實。吾人若能強憶之。則日後

當可免受人愚也。

惟戰爭起因其內容決非完全屬於無意識。數人企圖謀個人或其國家之利益而發現。當戰爭之起必起於數人。有此數人根據多少意識。



要求作戰。同時更利用羣衆之榮譽心愛國心。以激發其無意識之意氣。此種現象。直類黴菌之傳佈疫病與素因之作用。吾人幾於每日皆有傳染黴菌之時機。惟具素因者。始實際上受其傳染。而主戰之人。吾人亦日常易受其浸潤。然亦惟具有同性者。然後始染沾其說。而好戰事。若欲謀防範之策。竊以爲亦可採治疫之術。治疫有二道。或消毒或攝生。效此辦法。一方當防制主戰之人。一方當使人民不受其蠱。此兩者均良法而切於用。惟如何而可使實現。當先分別研究主戰者之動機而後述之。

戰爭之中。有確爲主義而戰者。國內戰爭常屬於此類。如英國國內戰爭。美國南北戰爭皆是。以後述之戰爭而論。其主戰者一方爲虔信奴制應廢除人物。一方爲堅主保存奴制人物。又如蘇俄政府對於一部俄國及全世界所作之戰事。亦爲主義戰爭。其所爭之主義。卽在世界應以『生產致用』(Production for use)之道。爲建設制度之根本要義。不當以『生產獲利』(Production for profit)之道爲其根據。惟因其戰爭係主義之戰。故布爾扎維克黨乃能藉宣傳而獲勝利。此一戰爭。主戰者一方爲共產主義者。他方爲資本主義者。現在正準備以負債民族反抗債權民族專橫而革命之形式。以演成馬克思所謂階級戰爭者。亦爲此類人物。此類戰爭。其主戰者要皆各抱有堅強政治識見者也。

次之有因爭聲威之戰爭。其主戰者。半爲戰勝後可爲人景慕之人物。半爲國家觀念極深之物。此類人物。未必常好自利。如歐洲大戰英國國

民評論 National Review 主筆邁格斯。Leo Marx。對於德國力肆

攻擊。凡事實之可假借。以爲抨彈之資者。莫不撫拾應用。其于俄人亦然。更以德國競爭危及各國。及德國海軍可怖諸說。貢諸政客及人民。以激起對德之敵愾。在邁氏本人。並無所爲。惟以其深信此係愛國的責任。乃視爲分所當盡。凡此類純屬感情作用之動機。於戰爭之產生。亦有偉大之影響。

政治人物之主戰。其動機類皆較爲卑劣。皆以激起國民之意氣。移轉其視線。以爲障蔽其本身罪惡之良法。蓋凡政客欲邀人民之選舉。必預言其登台而後。可使人民生財樂業。迨至既握政權。而人民不能生財樂業。勢將惟彼是咎。彼於是輒轉而歸咎於外人。斥外人之妨害國政。庶人民可忘其本人之自利作用。在未具戰爭經驗之人民。每爲其所欺。彼因得而續據政權。如以上之主戰者。僅有前節所述之兩方法可資應付。卽一方增高一般選民之智識。一方更定一法律。規定凡政治人物之提倡戰爭者。應自開戰始。即服務於前線。苟非中途死傷。當至戰事休止時而已。六、茲請討論戰爭經濟的原因。經濟二字在此並不可作人民福利解釋。緣近世戰爭之結果。於一般人民。決無利益可言。僅可指爲各國鉅富者結合間之競爭的關係。各國鉅富者常誤視其本身之觀念。卽係國家之觀念。故不惜悍然舉他人之生命財產。而爲維護其本身利益之具。顧其目的。亦並非卽在多得金錢。若彼志誠在此。則儘可聯結敵體者合力以求之。不必出於戰爭。無如其財力過富。金錢非所措意。乃專心祇求競爭者之失敗。至於犧牲生命文化以求之。夫經濟的營業除少數之例。常




以國家爲組織範圍。而不以國際爲其本位。其故有二。一則大範圍之營業若無競爭。則經營者覺生活乏其興趣。二則因國家觀念之作用。一國之經濟營業可無償而得國家海陸軍力助其發展。有此二故。經濟事業遂無擴充以國際爲本位之必要。至於以技術言之。則今日各國大商家分營之事業。絕無不能由國際合營之理由。果此而能合營。則營之者獲利既厚。世界亦不幸免爭攘之戰事矣。

因經濟事業以國家爲經營本位。戰爭經濟原因。遂不能免。而市場與原料之爭以起。或以兼併土地之手段。或以較平安之方法。以取市場與原料市場一點。人皆審知。不煩贅述。惟關於原料一點。尙有數語之說明。美國於原料供給獨占優越之地位。重要原料惟錫與橡皮多數須求之於國外。英國適與美相反。居不幸之地位。從前英國得爲工業界之巨擘。實

述五端可去其二。僅存石油鐵與工業技術三者。俄國缺乏工業技術德

煤鐵兩原料以造成之。但今則其鐵礦頻罄。其鋼鐵工業已恃瑞典西班牙之礦接濟。除煤一項而外。其他原料亦莫不仰給於外國。在各國既漸知原料之重要。不復願如前之輸出。將多用之於國內。則英國除其政治勢力間接直接管理之區域外。不復能得必要之原料。故英倫三島人民半數。依大英帝國爲命。在此種情形之下。帝國主義發生。亦乃勢之所趨。無可用其驚異。



英人發明死光之瑪寶胥氏試驗死光之又圖一

戰爭應用之原料。尤較尋常原料引起重大問題。戰爭之勝利。所恃者五。煤鐵石油經濟信用及工業技術是也。五者之中。經濟信用。不能單獨成爲一端。因有其他四項。則此項當然亦備。至煤與石油。功用大體相同。可爲互相代用品。惟有間應用石油之處。不能以煤代替者。故石油之重要。尤過于煤。得石油不必更得煤。是上



國缺乏石油。此其所以皆敗於歐戰。工業技術可以人力創造。而油鉄則不可。此則近世帝國主義中。此二者皆爲主要之目標。法國既以凡爾塞和約得勞倫省之鉄矣。尤欲得羅爾之焦煤以開發之。此所以法人占領

羅爾。而德人斃於飢寒也。日本需煤與鉄。故乘歐戰之際以攫中國煤鉄之管理權。華盛頓會議於此。毫無建樹。幾未嘗能略使中國脫日人羈絆。世界之石油。受相互競爭之兩財團管理。一爲美國。一即英荷財團。後者從政治方面言之。實即英國財團而已。英國石油業與法國政府默契法人所有之石油。亦即受其支配。近年來凡法國制德行動彼皆爲之後援。日內瓦會議力阻採取強健共同政策者。亦此輩也。既壯法人之氣使拒絕英國和平辦理之要求。更使其有傷美國感情之懼。而不敢取強硬態度。英國石油業在數十年中於英國所取政策。亦具著顯之勢力。如英國贊成舊俄之分瓜波蘭。英國於小亞細亞以武力權毀政敵。新加坡之籌設海軍根據地亦皆爲波蘭南部美索泊達米亞及巫來由等處之石油礦。最後一事。更促荷蘭創立東印度海軍。既以巫來由之石油同屬於英荷。荷海軍成立當然與英海軍協力合作。如是華盛頓條約關於石油規則。不待破壞而自失其效矣。據美國石油業所宣傳。美國石油二十年後。行將銷竭。而英國管理之油礦尚可維持二百年。英海軍既恃石油始得維持其最強地位。而英國半數復恃有最強盛之海軍以生活。故英國政治家頗引以爲樂觀。因使海陸軍受石油支配之下。更迫人民加增負擔。而厚石油業之資產。現聞英美石油業已趨於一致。作者甚望其確係

事實。蓋石油若生問題最易引起猛劇之戰爭。關於此項問題。內容曲直。可不必論。緣國家主義與夫資本主義若在世一日。則此問題決不能公得正之解決也。

七、各國之爭攘市場與原料競爭。有兩法可以弭止之。其較簡易之一法。他日或可見諸實行者。即由世界有力各方訂定一約。認定彼此所具之特殊權利。此法可生多少利益。亦即可防止多少損害。國家資本主義便可由此代以國際資本主義。惟果如此。則以強陵弱之風。非惟不能稍殺。且尤將增甚。英美兩國將並力以兼併之舊手段統御世界。而操縱經濟市場。法意德各國或被邀於合作之列。然如中俄印各土。既悉爲農業國。而占有世界人口之半。必先後起而反抗。亦將互相結合而謀獨立。另創異於吾人之新經濟制度。最後資產階級之西方各國。勢必亦願採用其新經濟制度。然如上辦法。則永久和平。將不可得。其他弭止各國競爭之一法。則較困難。當從前歐戰緊急時。協約各國亦曾採用。即另設國際機關。分別管理每種根本重要之原料。凡各國應得原料由此機關根據各國人口之狀況。分配之。如石油委員會。鋼鐵委員會。煤料委員會。均由各國委任委員組織之。專司分配原料於各國。此項制度。若於平和時擴而充之。使各國盡公同採用。則原料問題全部。可以解決。惟英美等國決不自願捨其特殊勢力之利益。而遷就此法。否則亦必待其他各國反抗之風足以令其戰懼而後可。且此法亦必待中俄印度各國工業猛進之後。始可見諸實行。於今仍屬無濟。



然余並非謂今日之情形。即無希望之可言也。今日弭戰問題。有兩重關聯之事爲患。一則人類具有羣之觀念。因是各成相爭之結合。深信撲滅他結合。即係自身結合之利益。此項根性。係屬本能。然其競爭。不必定以戰爭之形式出之。未嘗不可設置較高於國家之機關防止戰爭。更籌其他形式之解決。不幸各國習於殘酷流血之行動。乃不此之圖。惟現在如生產貿易之制度可以剷除。而代以生產爲用之制度。則好戰者亦將無多資以賄賂新聞紙與夫名流。借愛國之名煽動血戰。如是輿論庶可因真理之發揚而趨於正軌。知愛國主義爲今日人類之罪惡。方今之世殺

一人者論法以償。然嗾使百萬人而殺百萬人者。反受萬衆之尊敬。及其死也。且立像以崇之。此豈直道哉。而今而後。凡不願見文化隨流血而掃地者。均當負一艱巨之責任。即保全身心。勿使爲愛國主義所染。申言之。即對於本國與他國之爭執問題。當作公平不阿之判斷。勿輕信本國之道德。即勝於他國。即在戰時。亦當對全般問題作旁觀者之評斷。既盡攷查真實之責。則國家觀念便不至因誤信僞語而發生。即可拯世界於慘禍。在今日而唱道斯義。固不免於挫折。然要知挫折之中。即含有快樂。蓋惟如此。而後人生前途乃有進展之可能也。

## 美國排斥中日移民之迴溯

記者

美國本賴各國移民而立國。今乃以排斥移民聞。此誠一矛盾之現象也。美國排斥華人已有五十年之歷史。排斥日本人則爲三十年來之事實。自本年七月一日移民新律實行。日本盛倡反抗之論。而中國因學生赴美。發生阻礙。亦漸有人注意于此項問題。今述美國排斥中日兩國人之過去情形與現在狀況。以供國人之參考。

按中國移民大率赴美。尚在距今七十餘年前。即西歷一八五〇年左右。彼時正加里福尼亞州金礦發現時代。當時美國人工稀少。華人勤苦耐勞。工資又廉。乃大爲美國資本家歡迎。大多數從事開鑛。在一八六一年華工已達二萬人之衆。其中亦有服役于中央太平洋鐵路工務者而執

業洗衣及侍役者亦不在少。試觀一八七〇年統計舊金山僕役總數六千八百人中。華人占千二百五十人。可以知華工受雇主歡迎之程度。其後俄列貢州華盛州魚類罐頭業盛行。此類工場亦大抵用華人工。嗣後農圃果林葡萄園等等事業。無不賴華人之勞役。趨于發展。一八八〇年以降。中部及北部諸州農事大興。亦賴華工胼手胝足之力。當時白種勞工非常難得。而華人治農尤爲特長。以是競爭者少。尙能相安。然而自華人初入美國。入山開鑛須鑛主之護照。其他業務。亦須領業主之照。據固已漸有受人排斥之形跡。此中原因。泰半在于人種的偏見。固不待論。即在工資低廉之關係上。亦未嘗不爲招忌之一因。不特在舊金山如此。



即在加里福尼亞州。華盛頓州等都市。亦曾屢演種族鬥爭之舉。當時主動者固為勞工。而僱主亦未嘗無人參加。禁止華工入境。在彼時已有一種運動。初因違反美國立國之精神。不為人所重視。至一八六二年乃成為中央政府之一問題。蓋反對運動益臻猛烈之故也。

中國移民之見于美國條約。始于一八六八年七月二十八日之伯林格孟 (Burlingame) 條約。該約第六條規定中國人在美國旅行或居住者。可以享受最惠國市民或人民所享之一切特權。特許及待遇。然至華工多數之渡美。以低廉工資。從事勞働。于是排斥華人之聲大倡于高唱正義博愛之美人中間。加以白種之移民紛入太平洋沿岸。與華工利害衝突益甚。排華之風乃愈益爆發。一八七



動。而一八七五年之同日居然成立一禁止淫業婦及中國人入國之法案。一八七六年共和黨民主黨開大會均以排斥華人列入決議案。共和黨議決文云「合衆國議會有調查證明蒙古人種 (指中國) 之移住

已所不欲  
勿施於人  
禁我工人  
是存何心

轉入及于合衆國道德及物質上結果之義務」民主黨議決文云「為防止蒙古人種將來更行移住或轉入計合衆國政府應與清國為條約之修正或于合衆國憲法制限內制定之」美國兩大政黨既同有上項決議故翌年 (一八七七年) 因于上院任命調查委員該委員報告謂柏林格孟條約應予修正。然以議員之衆。主張正義者大有人在。該案久無進步。排華根源地之加里福尼亞州乃屢起虐待華工事件。州之當局者未便放任乃訂成禁止東洋人勞

一年甚至有華工二十一名在舊金山被殺之案。其後竟由勞働界之反對論變成人民代表的議員之主張。一八七二年加里福尼亞州議會。卒至要求該州選出之衆議院議員作修正中美條約禁止華人入境之運

動者移住居留之法律。合衆國法廷則認為違反憲法。視為無効。加里福尼亞州選出之議員無法乃決以排華法案提出于美國議會。幸當時大總統海斯氏以該法案。違反國際法。破壞中美條約。不予批准。此為一八



七九年之事。然美國政府彼時已覺中美條約有改正之必要。因與中國交涉。于一八八〇年十一月十七日加入禁止中國移民一條如下。

合衆國如以華工到美。或已住美國之華人。有影響于合衆國之利益。或有其危險。又或害及國家或其地方之善良秩序時。無論何時。均可約束限制或中止此等入國或居住。但不得絕對禁止之。限制或中止須爲合理的。且適用以來美作工之華人爲限。他項階級概不在本限制之內。關於華工之立法。以有強行法規之必要時爲限。移民之制限或中止及移民。均不得有私人的苛待與侮辱。(Personal Maltreatment or abuse)

右紀條約。締結後合衆國議會並通過其施行法案。一面提請大總統批准。該案規定此後二十年之間禁止中國移民入美。各州及合衆國法廷更否認中國人之市民權。一八八二年四月四日大總統亞瑟(Arthur)拒絕此法案之批准。謂二十年間之中止。於理不合。其後又經議會修正改爲十年。於一八八二年五月六日批准。次期議會更明白解釋許可入境之資格。將叫賣行商。魚類商均不認爲商人。亦經大總統承認。顧此種移民禁止法。實施上頗感困難。蓋工人利用禁例外之學生。旅行者。教師。商人名目入美者仍不在少。一八九〇年禁例期滿復成議會之一問題。卒仍展期禁止十年。並由加里福尼州選出之議員格利氏提出更形嚴刻之法案。凡外交官以外一切華人。概禁入境。復經多少修正。於一八九二年通過兩院。經大總統之署名。成爲完全之法律。所謂格利法案是也。其

要點爲居住合衆國之華人。須在該法實施後一年之內登記。領取承認證。如無承認證者。須由可以信用之白種人出具在該法案當時該華人確係在美居住之證明書。否則即須遣送回國。次年十一月三日中國對美提議新條約之交涉。次年十二月八日新約成立。十個年間實行禁止華工入美。凡從來正當的居住美國之華人。如果一度回國。則除有父母妻子仍在美國或有一千元以上美金資產者外。不得再行渡美。此視格利原案除外交官一例禁止者已算緩和。然而排華舉動明訂條約。固不可謂非中國政府之屈服也。

至一八九八年夏威夷島(檀香山)合併於美國。該島亦適用同樣之條約。一九〇〇年四月三十日舉行登記。住居此島之華人概行禁止渡航大陸。

一八九二年之排華移民法十年期滿。駐美中國公使於一九〇一年十二月致書美國國務卿促其注意兩國關係。一九〇二年一月十六日俄列賓州選出之上院議員密西爾(Mitchell)提出禁止華人渡美及國內限定華人居住地之法案。下院議員加里福尼州選出之甘氏(Gann)亦在下院提出同樣法案。經外交委員會加以修正。通過下院。上院則更加入嚴格之條文。當時各方提案甚多。最著者甚至有「華工住在菲律賓島者即令係在該島合併於美國以前已經生於該島且已住居彼處者。亦絕對禁止其來合衆國本土」。又有云「美國船舶之船員中。不得有華人。但如此華人係有入美之權利者則不在此限」云云。由此可見



美國排華之熱烈。彼時駐美華使正爲伍公廷芳。抗議疏通。方法用盡。雖迭次訪問共和民主兩黨加俄兩州提案排華之上下議員。終無效果。蓋此曹爲擁護自身選舉地盤計。不能不迎合選民之排華心理。卒以騎虎之勢。於一九〇二年至一九〇四年通過更爲嚴烈之排華法案於兩院。四月二十九日由大總統羅斯福署名公布。羅氏署名該案所用之鋼筆。特贈排華案提出者之甘氏。以爲紀念。甘氏卽以之寄贈於舊金山之金門博物院。迄今猶在保存。此卽美國排華法案經過情形也。

日本人移住於美國。亦始於五十年以前。明治三年已有五十餘人。明治十三年有百四十八人。自是逐年增加。至明治二十三年已達三千之數。迨至明治三十年則有一萬三千五百餘人。當移民初盛之時。美國方面尙無積極排日之舉。迄於明治二十五年左右。工界中乃漸有排日之宣傳。後以美國共和黨麥金利執政。勵行國內產業之發展。製造工業界大興。勞動者之需要亦增。明治三十四年後。日本工人之供給常有不敷需要之勢。乃多雇用向在夏威夷作工之日人。明治三十七年至三十九年間。由該島渡美之日工。數逾三萬。以是大招美國工人團體之反感。排日運動。乃見激昂。加以日俄戰爭以後。美人對日。懷抱國際的懷疑與忌懼。而加里福尼亞州日僑之殖產興業。尤令美人不安。當時之舊金山已爲西部第一要港。各州均有工人轉至該處力役。其團體組織亦甚完備。有力。野心政治家常欲利用工人求其歡迎。乃極口攻擊日本人爲擾亂勞動市場。足使勞工生活標準爲之低降。由是一倡百和。風潮迭乘。卒有一

九〇六年加州排斥日本兒童入學案。卽是年十月加州市學務局會議市內各公立小學校校長應令日本中國朝鮮各學童轉學於特設之東洋人小學校。以是月十五日爲限。盡令日本學童從公立小學校放逐。加州學務令第一六六二條並訂明「學務委員及學務局有權排斥有惡習或傳染病之兒童並爲印度人中國人蒙古人之兒童設置隔離學校。此項學校一經設置。則上述兒童應禁其入別種小學校云云。此加州當局引爲排斥日童入學之根據也。日人對此先由領事抗議。繼成政府交涉。羅斯福美總統亦代爲疏通。寢假竟成爲美國國內國外之一大問題。日美國交幾致破裂。卒於一九〇七年一月由美總統召集加里福尼亞州出身議員。舊金山市長。學務局員及學務監督相與會商。決定互讓辦法。美國撤銷學童隔離之令。日本則承認協定日人渡美制限之法。先定日人由夏威夷轉赴大陸之禁。移民令修正案通過於議會之後。是年三月十四日卽宣布日本學童復校。交涉雖告一結束。而排日則仍未終止。美國政府乃於一九〇七年九月。貽書日本政府。提議制限移民。日政府鑑於內外之形勢。願以自動之形式。限制移民。由此以書面往還。實質上遂成爲一種協約。所謂紳士協約 *Gentlemen's Agreement* 是也。此內容大要如下（一）日本政府對於無論熟練與非熟練之勞動者。概不發給通用於合衆國大陸之護照。（二）護照應由外務省監督下有權限之官吏發給之。處理此等行政事務之職員。於學生商人旅行者及其他請求護照之人。應充分調查其有無成爲工人之虞。且須請求者



有足以維持其現在身分之必需資力或有其保證。(三)對所謂照像結婚之護照雖未以紳士協約禁止。然一九二〇年三月以來。業已停止。(四)日美兩國政府將每月出入美國之日本人列表交換。以上各點履行至今。是以一九一七年制定之移民律。未將日人列入禁止入國者中也。

日本雖以紳士協約和緩美國排日運動。然爲效亦殊不多。加里福尼州之排日氣焰依然甚盛。一九二〇年十一月二日通過排日土地法案。九日發生効力。其大要爲(一)現行土地法認許之三年借地權完全取消。(二)無歸化權之外國人禁止爲以取得移轉不動產爲目的之公司社員。或其股東。由是留美日人不得爲借地契約佃種契約。而農業經營乃陷於絕對不可能之境。次年華盛頓州亦定同樣之土地法。一九二三年加以修正。通過於兩院。僑美日人雖迭起訴訟無不失敗。蓋美國大理院認州法爲並未違反憲法也。至一九二二年大理院判決又明認日本人爲未有歸化權。謂現行歸化法於白人及亞非利加人之外。未有歸化權。故東洋人非生於美國者皆不得有美之市民權。此實美人排斥中



此圖爲加拿大某報所載譏美國之以移民律失東方人好感也

日人之最惡手段。因既無市民權。則於選舉不能有所左右。惟有忍受美人之排斥也。

最近之移民新律於四月十八日完全通過上院。先是日人以內中明白規定排日文字。迭提抗議。駐美殖原大使於四月十日致書國務卿有將引起重大結果一語。美人大譁然。認爲一種掩面之威脅(A veiled threat)。

雖十七日殖原再函辯解。仍不能解美人之怒。次日竟致通過。美國顧里治總統亦會商之議會請緩期至一九二五年五月一日實施。卒無効果。仍於五月二十六日由總統批准。成爲法律。由一月一日實行。日本大使旋於五月三十一日具文抗議。六月十六日由美國政府答復。於稱述日本實行紳士協約之友誼以後。仍以承認關於移民制限之各國立法權爲無損於兩國間善良敦厚之友誼爲言。日本對此蓋無可奈何。而因執行新法之結果。於吾國赴美留學之學生亦發生問題。如學校之認定。旅資之檢驗。均別有規定。預料將來赴美留學者或將減少也。



## 德發債票案解決之經過與狀況

駐京記者徐致穎

德發債票案。大體已經解決。目下所未了者。提款交涉耳。茲將該案解決之經過及現狀略述如左。

六月二日孫慕韓總理出席衆院。答覆關於德發債票案之質問。聲明在職一日。必不祕密簽字。且必公開辦理。六月三日財交兩部提出辦理德發債票議案於國務會議。經長時間之討論。照原案通過。六月四日財交兩部會銜呈請府曹核辦。當日府曹指令照准。六月五日下午三時許孫慕韓率同外顧交吳農顏海李財次蘇錫第出席衆院。說明德發債票案辦理經過及應速解決之理由。議員郭同劉彥李載廣李燮陽王乃昌等頗多質問。復轉赴參院。參議員張我華王湘趙時欽潘江等相繼質問。認德案應先交議。若不先交議而辦理。即爲違法。孫慕韓堅持政府可以先簽字後交議。六月七日外部奉指令。照閣議通過之解決德案辦法。與德使換牒。嗣經德政府批准。至是此案正式解決手續。大體遂行辦妥。自此案解決消息傳出以後。疆吏國會以及其他各方紛紛要求政府將內容公佈。因於七月十二日。由外部用英漢兩種文字。公佈一切關於此案之文件。茲將是日所公佈之文件照錄如左。

(一)中德協約(十年五月二十日)

大中華民國政府大德意志共和國政府意願以本日大德意志共和國

聲明文件爲根據。兩國訂立協約恢復友好及商務關係。并覺悟領土主權之尊重。與夫平等相互各種原則之實行。爲維持各民族間睦誼之唯一方法。爲此各派全權委員如左。大中華民國政府特派外交總長顏惠慶。大德意志共和國政府特派總領事卜爾熙。各委員將所奉全權文憑互相校閱。俱屬妥協。議定各款如左。第一條。兩締約國有互相派遣正式外交代表之權。此項代表在所駐國。應互相享受國際公法所承認之一切權利及豁免權。第二條。在兩締約國境內駐有他國領事館或副領事館之處。彼此均有任命領事副領事或代理領事之權。此項官員。應享受他國同等官員之優禮待遇。第三條。此國人民在彼國境內。得遵照所在地法律章程之規定。有遊歷居留及經營商務或工業之權利。惟以第三國人民所能遊歷居留及經營商務或工業之處爲限。兩國人民於生命以及財產方面。均在所在地法庭管轄之下。兩國人民應遵守所在國之法律。其應納之稅捐租賦。不得超過所在國本國人民所納之數。第四條。兩締約國約明關稅稅則等事件。完全由各該國之內部法令規定。惟兩國間或他國所產未製或已製之貨物。所應繳納進口出口或通過之稅。不得超過所在國本國人民所納之稅率。第五條。本日大德意志共和國聲明文件及本協約各條件。當用爲商議正約之根據。第六條。本協約用



漢德法三文合。繕遇有解釋不同時。以法文為準。第七條。本協約應於極早期間批准。於兩國政府彼此互換知照業經批准之日起。即行發生效力。大中華民國十年五月二十日。西歷一千九百二十一年五月二十日。訂於北京。約文共繕兩份。

(二)德。國。卜。代。表。致。外。交。顏。總。長。照。會。(十年五月二十日)

為照會事。本代表奉有正式委任。以本國政府名義向貴總長聲明如左。

大德意志共和國政府意願恢復中德之友

誼及通商關係。因此項關係。應基於完全平

等及真切相互之主義。合於普通國際法之

條規者。因一千九百十九年九月十五日大


中華民國大總統頒布對德恢復和平之命

令。因德國擔任對於中國應盡一千九百十

九年六月二十八日威塞條約。於一千九百

二十年一月十日開始實行者。第一百二十

德國現任國務總理 馬斯克博士肖像



一百三十條第一項中所載之(公產)字樣。係該括該地而言。並準備將中國各處收容德國軍人之費。償還中國政府。以上聲明相應照請。貴總長查照。須至照會者。

(三)外。交。顏。總。長。復。德。國。卜。代。表。照。會。(十年五月二十日)

為照復事。茲准貴代表本日照開云云。(錄上文)業經閱悉。特此奉復。須至照會者。

(四)德。國。卜。代。表。致。外。交。顏。總。長。公。函。(十

年五月二十日)

敬啟者。本代表。為解釋德國聲明文件及德中協約之字句起見。奉有德國政府訓令。應向貴總長聲明如左。(一)華貨在德之關稅。協約第四款所指兩國進出口及通過之稅。不超過本國人民所納之稅率一語。並無妨礙中國引用威塞條約之二百六十四條

所予之利益。(二)賠償損失。德國聲明文件內。所稱準備償還中國各

處收容之費一節。其意當謂德國於按照威塞條約中原則賠償中國損

失外。德國仍願償還中國各處收容之費。德國政府擔任照已受清理之

在華德僑財產。所得各款之半及未受清理各產業價值總數之半。隨後

協定一筆整款以現款四百萬元及津浦湖廣鐵路債券交與中國政府

作為戰事賠償之一部份。(三)在德之華產。在德之華人動產及不動

府對於德國駐京使署所屬操場上之全部權利。於中國認明威塞條約



產於本協約批准後。完全歸還。(四)在德之中國學生。中國留德學生。德國政府極願竭力幫助。使其得進學堂。或得有實地練習。再有欲向貴總長詢問下列各端。應請答復爲荷。(一)德僑財產將來之保證。中國政府對於在中國德人和平營業能否允許給與以完全保護。並除按照普通承認之國際法原則。或中國法律所規定外。不再查封其財產。(二)司法保障。在中國德人訴訟案件。是否全由新設之法庭。以新法律審理。有上訴之權。並用正式之訴訟手續辦理。於訟案期間。德籍律師及繙釋。經法庭正式認可者。得用爲輔助。(三)會審公堂之案件。德僑在會審公堂原被告案件。中國將來如何辦理。(四)中國對敵通商條例。此項各種條例。是否在協約批准日起失其效力。(五)中德債務之清理。中國政府是否有意加入威塞條約二百九十六條所設公共清理處。特此奉達。

(五)外交顏總長復德國卜代表公函(十年五月二十日)

敬復者。頃接貴代表來函。內開爲解釋德國聲明文件及德中協約之字句起見。聲明各端云云。(中略)至於貴代表詢問各節。特行答覆如左。(一)中德僑民財產將來之保證。中國政府對於在中國德人和平營業。允許給予以完全保護。並除按照普通承認國際法原則。或中國法律所規定外。不再查封其財產。惟德國政府對於在德華僑。應同樣辦理。(二)司法保障。在中國德人訴訟案件。當全由新設之法庭。以新法律審理。有上訴之權。并用正式之訴訟手續辦理。於訟案期間。德籍律師及

繙釋。經法庭正式認可者。得用爲輔助。(三)會審公堂之案件。德僑在會審公堂。原被告案件。中國將來當尋一解決方法。使各方面均得其平。(四)中國對敵通商條例。此項各種條例。在協約批准日起。當然失其效力。前在海關掛號之德國商標。自本協約批准後。由原主在海關重行掛號者。應恢復其效力。在國定稅率未普通施行之前。德貨入口。得暫照通用稅率完納關稅。(五)中德債務之清理。中國政府。無意加入威塞條約二百九十六條。所設公共清理處。再者。因爲德國政府。照以上所述。担任將戰事賠償之一部份。交與中國政府。中國政府。担承自簽約之日起。切實停止一切德人財產之清理。并于收到上項償款之時。及中德協約批准後。將以前清理後所得各款。及被扣留各產業。歸還原主。上列辦法。對於威塞條約第一百三十三條第二句所載。清理扣留及管理德人財產各事務。作爲一種結束。德華銀行及井陘礦務。當由中國主管機關。與之另商辦法。惟北京及漢口德華未經清理之銀行房舍。得照上一節辦法歸還原主。特此奉復。

(六)大總統命令(十年六月二十八日)

本大總統前特派全權代表與德意志共和國全權代表。在北京議訂中德協約。業經兩全權代表於民國十年五月二十日。彼此簽字蓋印。本大總統親加核閱。特予批准。並署名用璽。以昭信守。此令。(七)財政交通兩部提出國務會議議案(十三年六月三日通過)爲解決中德戰事賠償及債務問題繕具議案。即希公決事。查我國在歐



洲戰爭及對德宣戰期內所受各種損失。據各省及各機關冊報共一萬二千二百餘萬元。嗣加列參戰軍費一萬零五十餘萬元。兩共二萬二千三百餘萬元。但民國十年簽訂中德協約時。外交部與德代表互換公函。謂德國於按照威爾賽和約中原則賠償中國損失外。仍願償還中國各處收容之費。(該協約及公函均已由大總統批准。並交國會追認)今收容費已經照繳。賠償損失當然受和約原則之規定。而遵照該項原則。僅平民因陸海空中之戰爭。或作戰行為直接所致之損失。及軍人卹金等。得以賠償。兵費並不在內。是吾國之參戰軍費一萬零五十萬元。據約本無可索償。其他一萬二千二百餘萬元。中有間接損失多種。如材料煤斤加價。及路工延期利息等。均與和約內所規定之索償種類不符。並有德商所欠中國人民債務。通商後業已陸續歸還。未可與戰事損失並案辦理。是吾國可以要求之賠償。實已為數無多。而政府所欠德商各種債務。及沒收德僑財產。所得各款約共四五千萬。遵照國際習慣。不能否認。至在德國發行之各種債票。宣戰後。雖經停付本息。而和平既經恢復。礙難違反國際公法。永予停止。該項債票。本不記名。流通於各處。不盡為德國人所有。其在德國人手中者。我國政府。可以扣抵賠款為詞。不予還本付息。而在其他各國人民手中者。除業經駐英使館律師審查承認者外。屢由各國駐京公使要求承認。近且有在倫敦興訟之舉。此對德索償。及山德債務之大概情形也。此次辦理賠償事宜。概以中德協約為根據。而該協約附件公函第二節。曾言明德國政府擔任。照已受清理之在華

德僑財產所得各款之半。及未受清理各產業。價值總數之半。隨後協定一筆整款。以現洋四百萬元。及津浦湖廣鐵路債券。交與中國政府作為戰事賠償之一部分。今現款四百萬元。已於民國十年間陸續照交。而德國政府願將其所收集之津浦湖廣鐵路債票及到期息票。悉數交還中國。作為戰事賠償之一部分。其數如左。(一)債票(甲)津浦原債票。票面一百四十萬鎊。按六八折合市價。等於九十五萬二千鎊。(乙)津浦續債票。票面九十五萬鎊。以六六折合市價。等於六十二萬七千鎊。(丙)湖廣債票。票面三十八萬一千六百四十鎊。按五三折合市價。等於二十萬二千二百六十九鎊。二零。共計一百七十八萬一千一百六十九鎊。二零。(二)到期息票及中簽債票(甲)鐵路息票及中簽債票。一百八十八萬一千零零一鎊。(一)(二)兩項。共三百六十六萬二千二百七十鎊。二零。合國幣約三千零八十三萬九千餘元。連同民國十年已繳之現款四百萬元。共國幣三千四百零八十三萬九千餘元。作為戰爭賠償之一部份。而民國十年以來業經放還之財產及以後應放還之財產。即作為在六千九百萬元與七千萬。元之間。此外並交還善後到期息票一百〇八萬七千七百六十八鎊。而中國政府所欠清理德僑財產款項。及德商各種債務除津浦墊款本息一百餘萬鎊。由交通部於一年以內與德華銀行另定償還辦法外。悉數由德國政府代為還清。以作為賠款之最後部份。是吾國所得賠償總數可表列如左。(一)民國十年已收現款。四百萬元。(二)收回鐵路債票。約一千五百萬元。(三)收回鐵路到期息票及中簽



債票約一千五百八十三萬餘元。(四)收回善後到期息票約一千萬元。(五)中國政府還清債務約四千萬元。共計約八千四百八十三萬餘元。內除德政府扣留債票約一百九十餘萬元。計津浦原債票九萬九千五百六十鎊。湖廣債票十八萬鎊。以賠償德華銀行房產損失外。我國淨得賠款約八千三百四十六萬餘元。較之財部表冊中。除去參戰軍費。警約無可索償。及中德人民間債務。自行清理外。業已有過無不及。此外宣戰期內。我國所捕獲之德國船隻。均作為戰勝品。不予發還或賠償。天津漢口德國租界。早經無償收回。不再發還。而德國部分庚子賠款一萬〇八百萬元。亦早已退還。不再照繳。該項庚子賠款。連同船隻估價租界代價。及此次所得賠款。共合約二萬五千萬餘元之多。至德國所得之利益。僅德華銀行復業與代理債票。(湖廣除外)還本付息事務兩項。其德發債票之恢復本息。係我國遵照合同與契約法。對於各國持票人原有之義務。既非增加負擔。更非德國人所獨得者也。所有解決中德賠償。及債務事由。理應繕具議案。即希公決。財政交通部提出。

(八)外交顧總長致德國博公使照會(十三年六月七日)



大榮軍人嘆那復賸可憐理財者奔走更悚惕

外交總長顧。為照會事。本總長以本國政府名義照會貴公使。今中國政府為再事履行一千九百二十一年五月二十日中德協約附件公函第一節起見。對於下列手續。業經同意。第一條 中國政府。將仍被中國扣留之德僑私人財產。餘部全數放還。兩國政府同意。該項放還之財產。連同一千九百二十一年後業經放還之財產。總值在六千九百萬元及七千萬元之間。第二條 德國政府將賠款之預先一部份。等於第一條內所言。放還財產價值之一半。付給中國。該項付款。用下列方法行之。(甲)一千九百二十一年。所付現款。四百萬元。(乙)鐵路債票一千五百萬元。即一千九百〇八年。津浦鐵路借款債票。票面一百四十萬鎊。按六八折。等於市價九十五萬二千鎊。以銀洋八元四角二分一厘。合英金一鎊

計八百〇一萬六千七百九十二元。一千九百十年。津浦續借款。票面九十五萬鎊。按六六折。等於市價六十二萬七千鎊。以銀洋八元四角二分一厘。合英金一鎊。計五百二十七萬九千九百六十七元。一千九百十一年。湖廣鐵路借款債票。票面三十八萬一千六百四十鎊。按五三折。等於市價二十萬〇二千二百六十九鎊。百分之二十。以銀洋八元四



角二分一厘。合英金一鎊。計一百七十萬三千三百〇八元又百分之九十。(丙)以銀洋八元四角二分一釐。合英金一鎊。等於一百八十八萬一千〇〇一鎊三。(乙)項所言鐵路借款之中籤債票及到期息票。算至一千九百二十四年六月十五日止。計一千五百八十三萬九千九百九十九元。又百分十四十五。上項各款。共三千四百八十三萬九千九百七十七元。又百分之三十五。第三條 德國政府。担任解決德國私人對中國政府所有之索償。以作為中國政府因戰事而發生之全體索償餘部之最後賠償。但關於中國債票還本付息之要求。不此在內。第四條 中國政府擬由大總統頒布命令。將第二條(乙)項所言三種鐵路借款及善後借款之前次停止還本付息之宣言。實行取消。並將其還本付息完全恢復。善後借款。業經到期之息票。除其中一百零八萬七千七百六十八鎊。按每鎊合洋八元四角六分一釐。等於九百十六萬零九百九十四元三角。由德國政府交與中國政府註銷外。將於本照會互換一個月照付。三種鐵路借款之息票。及中籤債票於一千九百廿四年十月一日以前到期者。已按照關於該借款等之合同担保。將自一千九百廿四年十月一日起。於該合同內所定付息還本日。每年付息票兩期中籤票一期。一千九百廿四年十月一日及以後到期之息票。及中籤債票於各該到期日照付。第五條 第一條第二條及第四條內職務。將同時舉行。不得遲至本照會互換八日以後。上言息票及中籤債票。及第二條(乙)項所言鐵路債票。將由德國駐倫敦大使館。交與中國駐倫敦公使館。以互換中國公使

館致倫敦匯豐銀行之正式公函。代表中國政府將第四條所言之大總統命令。通知該行。第六條 本照會協定各款。應作為中國政府對德國政府人民及中國人民對德國政府所有索償。與德國政府對中國政府人民及德國人民對中國政府所有索償之最後解決。但以發生於一千九百二十一年七月一日以前者為限。以上各條。相應照請貴公使查照。須至照會者。右照會大德意志共和國全權公使博。

(九)外交總長顧。為照會事。本總長以本國政府名義。照會貴公使。今中國政府為解決德華銀行事務起見。對於下列手續。業經同意。第一條 中國政府在最短時期內。將取自銀行之帳冊及清理時所立帳冊。交還銀行。第二條 中國政府將銀行在北京漢口之不動產連同其上面所建房屋。免除一切糾葛。交還銀行。在中國其他各處之不動產。業經清理。以銀行要求補償。中國政府同意以津浦湖廣鐵路債票一百九十五萬元。付與銀行。第三條 此後德華銀行對中國政府之各種索償。及中國政府對德國銀行之各種索償。均作為付清。但德華銀行以一千九百十年津浦續借款未發行部分作抵。借給中國政府之墊款。不在此內。為解決此事起見。中國政府担任取必須之手續。使抵押債票可以變賣。并於中國政府各種德發債票恢復還本付息日。對於墊款積欠利息。加以應得之攷慮。以執行該項抵押債票之還本付息。如中國政府需要。銀行將以本照會互換後一年以內。對於該項債票還本付息所必須之款項。墊給



中國政府。該項新墊款之利息。應按照週息七厘。每半年由中國政府付給銀行一次。

該項墊款等。以該項債票或其他法償還。即由中國政府與銀行另行開始商議。蓋銀行担任于該項商議。未經終結以前。不將該項債票在市面發行。但除另行協定外。不逾本照會互換後一年以外。第四條 中國政府擬將德華銀行恢復至戰前地位。連同其各種借款合同內發行銀行之職務。並執行各種手續。但湖廣鐵路借款合同內各項職務現仍中止。第五條 本照會互換後關於清理德華銀行之章程。即行撤銷。銀行不得付款於債權人之命令。將於一千九百二十四年十月三十一日撤銷。以上各條相應照請貴公使查照。須至照會者。右照會大德意志共和國全權公使博。

(十)財政交通兩部呈大總統文(十三年六月四日)

為呈請事。關於解決中德戰事賠償及債務辦法。業由財政交通兩部提出議案。經由昨日國務會議議決通過。並議定明日出席國會報告。理合檢同與駐京德使擬定之互換照會文稿二件。呈請鈞閱。如蒙批准。應於出席國會報告後。飭下外交部立即與駐京德使換文。以資結束。是否可行。伏祈批示。祇遵。謹呈大總統。

(十一)大總統指令(十三年六月四日)

令財政總長王克敏。交通總長吳毓麟。呈報解決中德戰事賠償及債務辦法。請飭外交部與駐京德使換文。由呈悉。准如所擬。着交外交部查照。

辦理。此令。中華民國十三年六月四日。

以上係外部所公佈之關於德發債票案正式文件。此外尚有高凌霨代閣時代賀德霖與吳毓麟關於此案之提案一件。未經公佈。茲特覓錄如左。

賀德霖吳毓麟提出閣議原案。十二年十月某日。

查英德洋款續借英德洋款善後借款津浦鐵路正續借款湖廣鐵路借款等五項借款之德國發行部分債票。自中德宣戰之後。曾由財政交通兩部會同核定限制辦法。凡各該持票人所持之票。確為協約及中立國民所有。並非在宣戰後從德人方面購入。及與敵人無利益關係者。得具聲明書。向中國駐英使館請求核准。認為有效。照前付款。一面由部委託駐英使館聘用律師。專司審核。歷經照辦。直至本年七月間。復經兩部商定。將前項限制辦法。限於兩個月內結束。逾限未送審核者。均歸無效。一面通告各持票人。一面電達駐英使館。照辦各在案。現查前兩個月限期截至九月十一日止。業已屆滿。所有原定前項限制辦法。自應依限停止效力。惟截止限期為止之各項債票有效確數。現尚未據駐英使館報告。僅就該館截止第六十三批之各批報告累積計算。計英德洋款項下有有效數目為英金五萬三千餘磅。無效數目為英金五百十八萬六千餘磅。續借英德洋款項下有有效數目為九萬餘磅。無效數目為六百二十三萬五千餘磅。善後借款項下有有效數目為一百三十六萬餘磅。無效數目為三百六十三萬九千餘磅。津浦鐵路正續借款項下有有效數目為六十三



萬六千餘磅。無效數目爲四百四十萬三千餘磅。湖廣鐵路借款項下有  
效數目爲三十八萬二千餘磅。無效數目爲一百一十一萬七千餘磅。除善  
後借款一部份前經財政部提出議案。經國務會議議決。除在協約國及  
中立國人民執持者約有若干萬鎊。應予承認外。其餘自九月十二日起  
至中國政府將該項債票收回之日爲止。作爲無效等因在案。自應由財  
政部照辦外。但查前項限制辦法。原係對前列五項債票一律辦理。所有  
英德洋款續借英德洋款津浦鐵路正續借款湖廣鐵路借款債票四項。  
自應與善後借款債票同一處理。理合會擬議案。提請公決。

中德協定公佈以後。與德有關係之列強。紛紛向德政府提出抗議。法蘭  
西比利時日本等三國。相繼致牒德政府。咸稱該項協定。違犯凡爾塞條  
約之精神。英國亦因與善後借款有關。向德國提出同樣之抗議。至於法  
國。除向德政府抗議外。並三次致牒外部。對中德協定及德華銀行等項。  
有所抗議。此有關係各國對此案態度之一斑也。

德債息款分存於匯豐匯理道勝正金四行。匯豐方面所存之德款。業已  
交出。計共二百一十餘萬元。我國應出之退款稅。匯豐亦爲免除。以示優

待。聞政府收到此款後。即分存中交鹽金四行。作爲活期存款。按月計算。  
取息二厘。其他道勝正金匯理等三行。則強行措勒。不允交出。財部迭向  
三行交涉。而三行方面初則支吾其辭。繼則由匯理道勝兩行具函答覆。  
謂奉本國政府命令。此項問題未經解決以前。暫不放回此款。同時並須  
扣留贖餘項下之存款云云。財部得此覆函。認爲毫無理由。決計向國際  
法庭控訴。七月二十九日閣議。提出討論。首由顧代揆報告交涉經過。略  
謂。德發債票本息各項。原以贖餘撥還。後因停付。所應撥之款。分存於匯  
豐匯理道勝正金四銀行。此項存款。歷年積蓄甚多。此次德債案解決。德  
發債票。業已收回。此項存在該銀行撥付本息之款。自應撥還我國政府。  
不意前日財政部函提該款。匯理正金等銀行。竟公然表示拒絕。外交部  
迭與法日等使交涉。亦無結果。實屬無理已極。惟有向國際法庭控訴。以  
求公斷云云。財王交吳相繼發言。均主張與該銀行等起訴。即由外交部  
財政部分電駐英朱代辦公使商量聘請律師及撥付訟費各辦法。衆無  
異議。現聞已照閣議決定着手進行矣。

## 週之觀念今昔之變遷

新聞學上之一小問題

述新聞紙之定義者有不可忘之一重要條件焉。即『定期發行』是矣。

所謂定期者。其初爲一年一次或二次。如十六世紀德國所發行之郵報

Post Reuter 及市報。Mess Relation 前者爲每年四月耶穌復活紀  
念節發行。後者則兼在每年秋節之聖米凱爾紀念日發行。可見最初定



期的新聞紙之產生。乃與宗教有莫大之關係。因此類紀念日德國各大都市皆有熱鬧之市場。故最便於新聞紙之發售。不獨新聞紙爲然。凡十六七世紀出版之書籍。亦每見其發行於上述之兩種紀念日焉。

繼此類定期的新聞紙而發生者。即爲十七世紀初期（一六一五年）亦在德國所創刊之週報。是爲世界各國週報之鼻祖。原夫週之觀念。西洋諸國所以獨強者。仍不外乎宗教之意味。故自一六一五年之德國週報出世而後。各國新聞事業發達之前驅。莫不先經過週報之一階級。德國至一六六〇年始有日報。英國則一七〇二年始有確定之日報出現。足證日報之比遙週報爲遲。夫耶教之儀式。既重星期之禮拜與休息。則是日爲最便於發售新聞紙者。各國週報事業之所以勃興。殆莫不以宗教爲其原力。駸駸乎傳播於東方。普及於全世界。耶教與世界文化之關係。自有不可磨滅之成績焉。但再細察之。科學與宗教。其地位不兩立者也。依進化之趨勢言。科學之勢力愈長。則宗教之勢力益消。繼承宗教之地位。據社會文化之中心者。即爲教育。此時週之觀念。亦即由宗教而移於

教育。因教育方面皆有星期休沐之例。故週之重要。不下於宗教極盛之時。雖爲宗教勢力所不及之地。而週報及種種星期附刊畫報之發行。依然爲一般民衆所愛讀。因週之觀念雖不同。而視爲重要則同故也。近一世紀以來。耶教之信徒。有年年減少之勢。而尙有繼教育以爲社會問題之中心者。即爲勞動問題。勞動者與週之關係。如休息。如俸銀。皆足以見週之觀念之強。工廠。公司等星期無不休息者。可謂爲週之新觀念。與宗教無關係者也。

新聞社中週刊之附錄。既以迎合上述教育界勞動界種種心理。而新聞社本身之關係。則因記者人才之備儲。有常備豫備後備之別。平時從事於日報之外交編輯者。爲常備人員。萬一有死亡。退社等事。第一戰線人員不足時。可以豫備後備之人員補充之。此類豫備後備者。平日之事務較閒。可利用之以擔任週報附刊之職。故以近世週之新觀念愈強。週報之發行益盛。其變遷之關係。皆不無蛛絲馬跡可尋耳。

## 北京宣布之憲法評論

（續第一期）

吳南如

### 二 國體之含糊

憲法第一章國體。第一條云。中華民國永遠爲統一民主國。世人以其開宗明義聲明統一國家。即指爲中華民國明明爲單一國體之證。甚有藉此爲排除聯邦論之口實者。然所謂統一者。豈即單一之謂。而所謂聯邦

者。又豈不統一之謂。夫單一固可統一。聯邦又何嘗不可統一乎。統一不統一。乃指政象之分合而言。聯邦與單一。乃就國體之形式而分。然則憲法規定統一。當非否決聯邦之義。彰彰明矣。



國體究爲聯邦或單一。須從其具體組織。研究其區別。而不宜沾沾於空漠之名稱。據爲定則。若中國國家組織。並非聯邦制度也。縱諡之爲聯邦。於實何濟。若中國憲法。果爲聯邦性質也。縱不居名。而實際上終無可抹殺也。

欲審中國究爲聯邦與否。須先立聯邦制之標準。然後再考中國之憲法。與其涵義相合與否。自來學者對於聯邦單一之別。理論繁縟。而取其簡單明瞭之一說。則爲凡中央與地方之事權。用憲法劃分。非普通立法所能變更者。爲聯邦制。反之。地方事權由中央代爲立法。或用普通法律規定者。爲單一制。用憲法規定。則中央與地方之制度。同爲國家根本組織。不能由中央任意予奪。中央與地方各在憲法所賦與之權域以內。保有自主之權。此爲聯邦制精義之所在。若地方事權由中央以普通法律規定。則趙孟能貴。趙孟能賤。今日以法律賦與者。明日可復以法律剝奪之。地方了無明劃確定之權域。一任中央之隨時伸縮。自由操縱者。是爲單一制。

今觀我國憲法之規定爲何如。國權章中第二十三條云「左列事項由國家立法並執行之……」第二十四條云「左列事項由國家立法並執行。或令地方執行之……」第二十五條云「左列事項由省立法並執行。或令縣執行之……」第二十六條云「除第二十三條第二十四條第二十五條列舉事項外。如有未列舉事項發生時。其性質關係國家者。屬之國家。關係各省者。屬之各省。遇有爭議時。由最高法院裁決之。」

是則中央與地方之事項。釐然劃分。各有專屬範圍。不容互相侵越。屬於中央者。祇應由中央立法並執行。而不應由省越俎。屬於各省者。亦祇應由省立法並執行。不應由中央干預。中央與地方事權。非憲法莫能與。亦非憲法莫能奪。縱其權域有廣狹。名序有先後。而其地位則相對。權度則互分。地方固不容中央之干涉。而在憲法所賦與之範圍以內。地方有完全自主之權。不受中央之節制。中央倘有擅以法律侵涉其範圍。則憲法第一百八條開明規定曰「法律與憲法抵觸者無效。」憲法所以保障中央地方事權之界限者。至爲周密。則縱欲指爲非聯邦制。或以其名義上並無聯邦字樣。而認爲單一制。在事實上固不可得也。由上所言。憲法實質固明明爲聯邦制度矣。而乃開宗明義第一條。綴以數個狀詞。曰永遠。曰統一。夫統一乃無論何國應有之現象。奚煩垂諸憲章。此而有待規定。則凡中華民國之國民皆須吃飯。亦有規定之必要矣。夫以堂堂一部憲法之首。冠以毫無意義等諸廢話之條文。是亦不可以已乎。

然國人殆果認中國憲法爲聯邦國體乎。苟能如是。則第一條文字雖屬浮泛。而實質尙不含糊也。無如不然。試卽以第三條證之。憲法第三條第一項云「中華民國國土依其固有之疆域。」聯邦憲法關於國土。類多取列舉之形式。今乃採單一國體之概括的規定。既已刺謬矣。而其同條第二項云「國土及其區劃。非以法律不得變更之。」夫以中央一紙法律。而可任意變國土及區劃。不特與一般聯邦憲法之精神。完全相反。且



與本憲法中地方制度之規定亦根本衝突。第一百二十四條云。「地方劃分爲省縣兩級。」則兩級制之地方制度。既已明白規定於憲法。自非憲法亦莫得變更之。今乃曰國土及其區劃。非以法律不得變更之。則又明明僅以普通法律即可變更地方制度爲三級制四級制矣。夫僅僅文字上之衝突猶可說也。若以實質上之矛盾。而致淆惑於國體之重。不可恕也。若此非驢非馬。亦驢亦馬之憲法。將令吾人從何處說起耶。

## 奇盜

(二)

### 凝冰

滬西某醫。夙負盛名。病者麇集。戶限爲穿。而醫亦因是致小康焉。某日醫方診病者。二盜昂然入。索假三千金。醫延之坐。且請少待。診畢當奉繳。盜安之。醫亦診病如故。醫之傭者。診座上客爲刼資而來。陰招警士入。醫怒斥之曰。「若來捕盜耶。此間座中咸爲病人。就我治病。世間安有開門揖盜者。速去。毋溷乃公事。」傭悵然率警士出。少頃。病者咸去。獨留座上兩客。醫具道寒素。且以術活人。初無貿利想。今貴客貴臨。當勉具五百金爲客壽。盜領之。資期使醫約金往某所。遂相偕去。及期。醫令傭者具金往。至則二盜已先至。得醫函。相顧而笑。曰此人守約。殊可敬。出囊中千五百金券。并醫原金付傭者。曰。「爲我歸報主人。曩者以一言而保性命。無以爲謝。具此箋箋。聊示敬意。」傭挾以歸。呈諸醫。醫奇之。繼念不義財不可得。仍以券歸盜。盜感其誠。使徒輩日夕巡邏醫居。蓋恐他盜之復來相擾也。



# 國內外一週大事記

由八月七日至十三日

(公展)

## (一) 國外之部


▲倫敦會議 倫敦會議之形勢。自五日大會英相以三委員會之報告書交與德代表後。德國迫於四週之境況。當然不能爲堅決之拒絕。惟六日之晨。德代表以覆文送交協約國大會。附以一函。謂大會所未辦理之魯爾撤兵與來因鐵路兩問題。亦應加以討論。蓋前此會議中第二委員會之報告書。僅規定十月十五日爲法比完全撤消魯爾經濟佔領之日期。而法比佔領軍隊之撤退問題。並未有所決議也。協約國亦知此項問題關係重要。亟在大會外加以研究。英國對此尤爲注意。五日英相麥克唐納爾氏在下院宣稱。魯爾撤兵一層。渠信法國輿論必不忘却其自己政府宣言中所加諸法國之義務。英兵之駐於柯洛業者。一俟無履行和約所定義務之必要時。即須撤回。決不稍延時日云云。蓋將以柯洛業英兵之撤退。逼魯爾法比軍隊之同時撤退也。然此事在法國方面。殊不易率爾承諾。法總理赫禮歐氏及諾勒特、克里門特爾二代表。乃於九日返巴黎。以便召集閣議。決定撤兵問題。是晚法內閣集議三小時半。至夜半後。發表半官文告。宣布赫里歐、諾勒特等在倫敦會議之談判行爲。爲法內閣所一致贊同。法政府與參與倫敦會議之其他協約國同一意見。以爲魯爾撤兵問題。不在倫敦會議範圍之內。不能加以討論。且赫里歐曾屢次聲明。撤兵爲專家計畫實施後之一事。須在某種條件之下方可實

行。顯然視法比所應得安全之擔保爲轉移。福煦上將亦以此意爲然。赫里歐後又曾聲明。俟敦倫大會後。擬再召集會議。以討論協約國債務問題。召集之期約在十一月之下半年。屆時美國大選已畢。可以參加此會。經濟問題。解除軍備問題。及互保公約。皆將爲有關係國將來繼續談判之事件云云。據此以觀。法比必暫不撤退魯爾駐軍。以待英美對法債務之讓步及互保安全公約之締訂。爲相當交換之條件。固昭昭然也。而其表面所持之理由。則法比當局皆謂俟德國忠實實施專家計畫後。一年以內。撤退魯爾軍隊。此較之曩昔以兩年爲期之主張。蓋已讓步多多矣。赫禮歐氏十日晚仍赴倫敦。次日即與德代表史特萊斯曼會談撤兵問題。衆信德國當可接受法國之撤兵條件。而不致提出困難之答案。法德商約之締結。當亦爲撤兵條件之一也。至賠償委員會方面。則於九日與德政府簽定關於專家報告書中各種計畫爲該委員會職權所及者之協定書。使德國編擬必要的法案。以實施專家計畫。而賠償委員會亦擔任採行可達此目的之方法。雙方允續商倫敦會議所可決定之任何辦法。並允將各條款解釋上之爭端。提交公斷會。以符倫敦會議所定之方法。惟規定如倫敦會議失敗。則此協定書不生效力。現倫敦會議既漸趨順利。大功告成。頗有眉目。不可謂非歐局糾紛解決之機。故十一日倫敦



之國外匯市。美金與佛郎皆續有漲風。從可知政治與經濟關係之密切矣。

▲英俄締約 英俄會議。自四月十四日開幕以還。中途屢經挫折。至本月五日而有談判決裂之消息。乃於最後之五分鐘間。情勢急轉直下。六日。英當局突然宣布協定已成。至八日而居然簽字。自是關係歐洲全局之一大事。其重要不亞於對德之倫敦會議也。據英外部次官彭森壁氏六日在下院之報告。已議定者。為商業協定及普通協定二種。大概蘇俄所得者。為（一）英政府担保英銀行家以整數借款貸與蘇俄。（二）英國准許蘇俄商務代表若干人及商務署享有外交代表所享之特殊權利。不啻已承認蘇俄國外貿易之專獨權。（三）英國許俄國列入口貿易貸欠計畫之內。在英方所得者。為（一）蘇俄承認對於執債券人之義務。願與執債券人直接談判。（二）商約許英國享優惠國待遇。（三）雙方得派員合組委員會。調



「文農畫」

德人國說「呀啊」！擠得受不住「了」！查產業損失之要求。並辦理賠償問題。（四）俄國允付欠英之一部分債務。觀此可見英俄協定之所以能成。實出於雙方之互讓。而英工黨政府圖謀恢復俄國市場之急切。更不容諱矣。然六日英下院中。反對空氣。頗為濃厚。不惟保守黨為劇烈之攻擊。即自由黨亦表示相當之不滿。七日之會。反對黨初固通過一議案。要求政府公布日前談判決裂之英俄草約原文。保守黨賀恩且謂目前議定之條約。非至國會重行集會之時不得簽字。顧麥首相答稱。簽約無需下院之核准。政府擔任將各約文送交國會。聽國會之接受、修正或否決。且甚慎重。不使約內隻字片語在國會核准以前發生効力。至此。自由黨始表同情於工黨政府。郁威特氏謂俄約固不能滿意。但自由黨不欲贊同保守黨延擱簽字之運動。於是國會得於同日順利休會。八日晚。英俄條約。遂由英代表麥克唐納爾、彭森壁二氏。俄代表賴柯夫斯基。施



因曼、越飛、陽斯基與賴成柯諸氏。雙方簽字。然九月三十日英國會復開後。對於此項協定。必仍有劇烈之爭辯。蓋在保守黨視之。以爲協定內容。與英銀行家之意見相去猶遠。而尤認担保借款之許諾爲英國之失體也。顧由蘇俄方面言之。則終視此事爲其外交上之一大進步。十日。俄外交部發出宣布英俄條約簽字之公報。謂此乃蘇俄外交最大事件之一。蘇俄固堅欲維持大工業收爲國有及取銷債款之命令。但允特別變通。在英政府准許借款之條件下。予英國人民以一部份之滿意。英人之損失要求。以借款爲抵。所有餘數。則充作俄國改造經費。賴柯夫斯基氏亦謂俄政府担保使革命時英人各種損失之要求咸得滿意。此爲俄政府之創舉。人以英國對俄借款爲完全利於俄國之讓步者。實爲大謬。苟無借款。英俄貿易將無可擴張云云。是則苟如保守黨之主張。英政府堅持不先担保供給借款。俄國亦決不承認英人在俄之產業。而所謂賠償損失。更談不到。英俄經濟關係。又何從恢復乎。

▲日俄談判 日使芳澤與俄使加拉罕。自四日在北京重開談判後。截至九日止。已開五次會議。(一)庫頁撤兵問題。日本表示退讓。對於蘇俄主張二星期撤退之說。雖未贊成。然允設法縮短期限。務於一個月以內撤盡。(二)舊條約問題。日本主張保留樸資茅斯條約。以保存既得權爲主旨。雙方同意。根據該約。改訂新約。(三)舊債務問題。日本政府及人民之三億六千九百萬日元債權。日本已允暫時拋棄。惟保留將來與英法等國受同等待遇之權利。蘇俄亦已贊同。如通商條約。損害賠償請求權。宣

傳禁止問題等。雙方意見均已接近。惟北庫頁油田森林等利權問題。迄無接近希望。關於此問題。日本最初主張全部讓與日本開採。最近表示讓步。要求以北庫頁北部之歐哈地方之煤油礦。歸日本獨立經營。其外各地之油田。則與西他塞夫公司合辦經營。加拉罕仍不滿意。質問日本何故僅於歐哈地方之油田。主張獨力經營。何不亦與西他塞夫公司合辦。芳澤不允。謂歐哈以外之油田。既皆容納俄方之要求。僅此地方。務希容納日本希望。惟加拉罕則以此舉無異日本獨佔其利權。故於六日第三次會議時提出對案。謂歐哈油田利權。無論如何。不能允許日本獨立經營。蘇俄固亦承諾讓與利權。但不能承認優先權。祇允與各國以同等程度之讓與。並謂日本主張之五十年期限。亦覺過長。只能允許三十年。至於西他塞夫公司。係帝俄時代之公司。故與該公司之合辦經營。蘇俄亦不承認。非依蘇俄政府對外貿易委員會規則。與蘇俄合辦不可。芳澤因加拉罕主張堅決。六日晚報告東京外務省請示。九日下午又開第五次會議。仍無眉目。蓋東京方面認爲此次讓步。已充盡力量。決不能再有所讓。而同時加拉罕之態度。亦頗強硬。故非一方突然變更主張。則日俄會議恐未易得美滿之結果也。

▲英愛問題 愛爾蘭會議既告決裂。而南愛政府希望劃界之心又甚切。其領袖柯斯格萊夫函致英相麥克唐納爾。內稱渠與南愛政府諸人詳細商榷後。不得不向英政府告以在國會休會以前立即通過糾正條約一案之必要。因邊界委員會久未成立。如不即通過此案。將無以解南



愛人民之疑慮。英相接此函後。以國會即將休會。此時請國會討論此案。勢不可能。故論內務與殖民兩部大臣前往疏通。四日湯姆斯氏乃與漢德森氏馳赴杜白林。與柯斯格萊夫等作極暢爽之討論。結果。英政府決定請國會於九月底而非十月底集會。屆時政府將提出糾正英愛條約案之二讀。而盡力以通

過之。英政府並望北愛政府在九月底以前派出邊界委員。以免有進行此案之必要云。

## (二) 國內

▲北京政局 顏惠慶組閣案。懸而未決。北京政局。在沈悶中。六日參院之會。既一開而散。六七兩日。衆議員之中立

派力圖調停。即萬鈞饒孟任等亦與其列。顧八日衆院之會。萬鈞雖主大會延會。以待協商。結果仍是大鬧散場。十日午後。萬鈞在杜成銘宅。邀集憲政黨四十二號靜廬民治社民憲會等政團領袖。協商同意案。四十二號及民治派仍堅持先決代閣。後投同意票。只認彈劾案可暫擱。而憲政

## 讀報的小心人上當



派則堅持先投同意票。雙方意見相距甚遠。胡祖舜等乃提三條。(一)十五日議程。並列彈劾代閣同意三案。(二)代閣案修正為全院質問案。或付審查。後即投同意票。(三)最後議彈劾案。或付表決一次。或付審查。十二日各政團代表。履行協商。有主議彈劾案者。有主議同意案者。有主議

自從 撤銷代閣案者。議歐戰 論紛紛。莫衷一是。以來 乃訂十三日再開外國 會協商。要者前途新聞 波折尚多也。電報 多帶 宣傳 性質 所以 同是 一事 各國 所傳 不同

▲外交要案(一) 中俄交涉以蘇俄 中央執行委員會 批准中俄協定稍 遲。故正式會議因 而展緩。顧外長業 於十三日與加拉

罕會談。磋商開議日期及手續。一方並囑劉鏡人趕速預備議案。大約開幕在邇矣。俄使館問題。辛丑和約各國政府覆電。均允交還。祇待西班牙覆到。即可由領袖公使移交蘇俄接收。上海處置俄艦軍官案。滬紳商請鄭重辦理。何護軍使及許交涉員已經決定武力監視及資遣回國兩點。



七日財部召集部務會議。贊同何許主張。一面籌匯款項。一面與加拉罕接洽。至蘇俄派員赴粵。要求設置領事。伍朝樞答（一）中俄協定。粵政府未承認。（二）若准俄設領事署。自違宣言。（三）中德約粵未承認。亦拒設署。俄代表乃復請通商。伍擬辦法如下（甲）俄得派代表在粵通商（乙）俄代表對粵政府公文。不得用領事名義（丙）交涉與粵政府直接（丁）中俄邦交。不得涉及中俄協定。但須俟政務會議表決。至奉俄問之局部交涉。奉方決先解決二項（一）中東路問題（甲）沿線地畝。完全劃分。凡非中東路應用者。一律歸我地畝局管理。外人不得干涉（乙）道勝債權問題。自行解決。不得牽及中東路（二）松黑航權問題（甲）江內船隻收稅。由三省人民代表處理（乙）江界由雙方組委員會勘劃。至於此二項俄使所認為不易解決者。惟中東路問題（一）滬公廨案。外部業於九日送達美使。所擬收回辦法大綱。計分五項（一）定名為上海特別法庭。置廳長一。推事若干（二）民刑訴訟純屬中國人者。完全歸法廳審理。如牽涉外國人。照條約有領事裁判權者。及案情關涉捕房有妨工部局安甯者。適用陪審制度。無條約國人民。及條約上放棄領事裁判權者。亦歸法廳審理。不用陪審。又犯罪處刑十年以上及命盜等案。應報法部核准（三）監獄及拘提犯人。由租界捕房管理。但審判官得隨時調查。要求改良捕房拘提人犯。應於二十四小時內送廳。逾期應即釋放（四）上訴機關。華洋訴訟歸交涉員。華人案件。照法院編制法。向上級法庭申訴（五）設書記長書記官。洋員由領團推薦。受法廳節制。照會中。就上述五項詳

細解釋。請予贊同。並聲明該辦法在各國未取消領事裁判前。暫行適用。十一日午。使團會議。除俄使館問題外。此案亦詳細研究。開美日葡荷義比等國公使。均表示可酌量容納中國意思。惟英法兩使謂須請示本國政府云（三）日本增稅案。外部照會芳澤。日海關增奢侈稅。值百抽百。與中國比較。有失平等原則。請設法減輕。芳澤覆照。謂已轉電東京請示（四）私運軍火案。滬上聯會函外部。租界盜案迭出。請照會使團。從嚴取締私運軍火。六日。外部派員先向使團接洽。軍事處亦擬另訂取締條例矣。

▲財政狀況 德發債票餘款。匯豐撥到十五萬鎊。存中行。另有用途。道勝撥到八萬鎊。六日匯交中行。沖入七月鹽餘。發軍政費。匯理正金所扣。不受疏通。願見法庭。政府對訴訟無把握。故訴狀至今未備。王克敏以德款僅到一部。乃與四行商。再借用一百萬準備金。湊發軍政費。韋爾敦允幫忙。而四行口頭答覆。若提百萬放賑。尚可商量。其言外之意。蓋不允墊發軍政費也。至於各省水災。哀鴻遍野。適為北京財交兩部造成籌款之機。八日閣議。通過財部提案。閩稅徵收附捐一成。以六個月至一年為度。十二日閣議。又通過交部提案。路電郵三政各徵賑捐。現當局所擔心者。只求使國允許。而人民之意思。迄未開問。使團方面。不日將討論此案。大勢主張贊成附捐。但須組中外委員會。監督用途。九年監督。僅及關附用途。此次擬將交通附捐亦列入。特不知吾身納捐款之國民。對於賑款用途。有否實行監督之意思與力量耳。可慨也。



▲沙面罷工 沙面罷工案。自昨行大班調停未成後。沙面領事團亦於六日偕伍朝樞謁孫中山。對罷工潮。討論調停辦法。十日換文。至十二日始告解決。聞其條件。係根據陳友仁所擬。略加修改。訂為七條。英法兩領允華捕復職。惟復職後去留聽其自便。華捕亦不願再幹。雖挽留亦辭。英領允給開除者工金。沙面新例取銷。惟於十時開關後。各國人民均應用通行證。不附照片。伍朝樞於交涉妥協後。出席反例會。宣布交涉經過。全場滿意。定十四日華捕復職。十六日工人回工。罷工團之所爭持。可謂已獲圓滿之結果矣。

▲兩廣戰訊 桂省羣雄割據。李宗仁退出南甯後。即往攻柳州。七月三十日已佔柳州城。沈鴻英部向雒容中渡退却。李乃又向桂林前進。前鋒已抵中渡。而沈鴻英與陸榮廷聯合。聞均準備反攻。沈向潯州。陸窺南甯。馬濟部亦移駐平樂。馬氏且起程。七日經漢轉洛。磋商挂局應付方法。至於粵省。則邇來形勢更為複雜。約而言之。可分三端。(一)東江方面。許崇智部張民達旅。由連平繞攻梅縣。激戰多日。互有勝負。張部已佔和平。得而復失。中山遂調東江平湖豫軍轉往北江。十日抵省。十一日赴北江。許軍有被粵軍由贛邊包抄。敗退翁源之說。又自湘軍撤回增城後。林虎部乘虛佔泰尾柏塘。旋被路孝忱奪回柏塘。林部退回泰尾。林虎乃調黃業興部千餘人助戰。路則電省乞援。李明揚奉中山令。五日趕往應援矣。(二)九江滇軍與民團間。月初激戰未已。嗣滇軍要求開拔費七萬。自願撤防。而九江商人不允。六日晚滇軍再攻九江墟。至七日晨始被擊退。商

團遂反攻滇軍。滇軍大敗。退出九江。一番爭潮。告一段落。顧九江滇軍之撤退。一說謂與滇軍內訌有關。蓋助胡思舜以逐蔣光亮也。(二)滇軍內訌已非一次。此次蔣光亮因爭廣三路及佛山財政。與楊希閔衝突。近日離職赴港。委李根源代第三軍長。楊希閔忽改令胡祖舜代。令胡攻石圍塘。蔣司令部。李根源遂下令戒嚴。十日下午。胡部千餘。直赴石圍塘。蔣部先由李根源率往花地芳村暫避。故無衝突。廣三路局遂由胡部保管。佛山財政處長亦由胡委徐某繼任。楊希閔委胡任第三軍長。繼蔣光亮任。胡定十三日就職。蔣光亮李根源等均逃港。聞蔣部將改編北伐軍。仍由蔣轄。但另一說。謂蔣有附北之嫌云。

▲東南大局 洛吳藉口遣散臧楊兩部。有四省攻浙之計畫。據西報所述。福建出一師二旅。江西出一師。安徽出二旅。江蘇出一師二旅。共三師六旅。圍攻浙省。現孫傳芳部隊。連日由福州開赴延平。浙江衝防戒嚴。東南空氣。為之緊張。同時周蔭人軍孔昭同旅。自四日起至八日止。陸續開入泉州。高義部隊退駐城外。張毅亦由漳州調兵向安海進發。將作夾擊高義之舉。閩南戰事。亦必不免。凡此。吾民皆受洛吳蘇齊發蹤指示之賜也。

▲浙省自治 浙江省自治法會議。自八月一日開幕以來。凡選舉正副主席。組織秘書廳。訂定辦事規則。議事細則。公債支給規則等等內部手續。至九日已辦理完竣。開始之第一幕。表演完畢。自十一日起。接演第二幕。十一日選舉起草委員四十九人。殷汝驤等當選。十二日起。起草委員會



互選殷氏爲委員長。此後當入放起草時期矣。夫浙省兩次制憲俱未實行。而於北京憲法公布後。忽議省自治法。九九三色。各方每易誤會。於是會議主席褚輔成氏對各方解釋。他日浙省籌備自治。完全獨立性質。絕

不受京憲之制限。對於省自治法。儘可自由制定。不受任何方面之干涉云。

## 夢 異

凝 冰

吾母棄養之二年。余方十齡。就里中小學讀書。會是年大水。道中水沒脛。余恐輟學。遭師長之責。且背吾母遺訓。每日赤足涉水。往返者再。兒時好動。不以爲苦。月餘。水退。余以濕重。致生瘡毒。兩腿間潰二十餘處。痛楚萬狀。雖日就醫診治。月餘且更潰。心焉憂之。日之夕矣。就榻假寐。私念阿母在世。觀茲情狀。不知將如何痛心。加以撫慰。此際音容杳渺。望慈雲而空咽。因伏枕慟哭。藉以殺悲。朦朧間見阿母坐榻次。余亟撲入懷抱。母撫摩余頰。詢余何苦。余指腿際濕瘍示之。阿母曰。兒母悲。我當爲兒去此。言次就榻旁取棉敷油藥。一一爲按患處。至是。余覺患處陰涼。不若往時之刺痛。因偎母懷酣睡。猶隱聞阿母溫語。及醒失母所在。悵然復哭。逾三日。患處新肉復生。痂脫而愈。向者醫之朝治診治。不奏效驗。吾母以一舉手之勞。去我病痛。其悲異耶。其阿母之愛。永永不滅。以呵護此孤苦之兒耶。



# 夢

Clare Thornton 著  
馬二先生譯述

死者能向生人示警歟。約翰康尼於結婚之前。屢夢其亡友。若將向之有所伸說。其事大奇。試演述之如下。

亨德來夫人是晨正在廊間小步。忽聞看護婦湯墨謂女僕曰。「趣來前。吉木先生。昨夕曾畀我一函。囑付郵。且云關係重要。而我意忘之矣。詎非昏憤。」夫人聞語逕前。呼曰。「看護。可以函畀我。我正將外出。可代汝付郵也。」看護如言。以函付之。二人小立。略談病人情狀。夫人遂下樓。逕入客室。

夫人年事可二十四五。長身玉立。姿色頗能動人。顧眉目間含有專斷倨傲之色。使有善相者。必且曰。此婦之美慧與卓斷可相並也。夫人俯視手中之函。字跡潦草。上書「致約克夏州北渥市山宅約翰康尼先生」。夫人於是置水壺於火上。既沸。以函就蒸汽薰之。膠解函啓。因探其箋讀之。書固潦草。夫人讀之。顏色驟變。目光中呈異狀。是時宅內病的空氣充滿。婢僕皆悄然屏息。夫人在客室亦絕無聲息。惟將是函投於火中。火燄捲處。箋紙與信封皆立成灰燼。夫人仍呆坐對火。爲狀若甚不安也者。一刻鐘後。忽來叩門聲。則看護來報告病狀也。言曰。「夫人。醫生來矣。」既睹夫人顏色沮喪。因復曰。「夫人儘可放心。吉木先生年方及壯。且甚強健。當必無慮。」夫人勉作微笑曰。「此種希望。直是大愚。彼自信如是。吾終懼真難於安然經過也。彼殆有意嚇我耳。看護。我姑坐待於此。醫生

施手術竣事之後。汝可復來語我。」

## 奇異之夢

吉木亨德來先生逝去之後。約翰康尼遠遊經年方歸。社會頗讚其篤於朋友情義。時亨德來夫人已退居於其夫遺宅靈飛別墅。與其待字妹相伴。人皆料此孀必將再嫁與約翰。如是方可稱爲佳偶。蓋吉木之爲人。天然不合於世情。人觀其痴肥之狀。皆私訝何以以亨德來夫人之妙麗。乃委身斯僮。苟嫁約翰。庶相稱也。

時爲二月之夕。飛靈別墅客室中。有一闊肩男子。皮膚作銅色。二目澄然。則約翰康尼方待女僕之通報也。俄而門啓處。一黑服纖影步入。約翰不寒暄。逕迎而摟於臂中。溫存嘿對。約半句鐘。二人乃並坐於爐火之傍。約翰曰。「茲將以一奇事相告。余固不願作書。且茲事亦難以書達。此事誠然大奇。」語時其面部歡容頓失。現有憂色。夫人對之含情睇視。狀至快樂。與一年前坐火爐傍。注視烈燄焚信函時。截然不同。因嬌聲問曰。「約翰。果何事耶。」曰。「卿當憶之。余曾一度相告。余苟非患熱病者。決不做夢。」曰。「然。固有之。」曰。「然自去歲以來。余乃得同樣之夢者。可三十次。寧非奇事乎。」夫人夷然曰。「所夢究竟云何。」曰。「夢見吉木。余與彼爲至友。入夢似亦常情。但三十次矣。每次皆夢彼立近余。向余注視。爲狀若將有所語也者。余見彼之面目甚清楚。卿尙憶彼生時困苦之狀歟。」



余夢中所見。乃復加甚。惟余自問。對彼當無不能使之滿意之事。然則彼之入夢。殆決非關於余之何事。意者彼瀕死時。或者將告余之言。而未能達耶。此時爐火已微。火光慘淡。不能照見夫人臉色之灰沮。乃低聲曰。儂實不曾見彼有何信與君。憶彼施手術之前一星期。不曾與君晤談耶。約翰曰。然。惟是次所談。祇生平瑣細。不及其他。固知此夢亦未必遂有何關係。但余生平未嘗夢見何人。故以爲異耳。言時。窗外風大作。從側面吹屋。聲震震。頓時吹破屋內沉靜之空氣。夫人不禁爲之瑟縮。不甯。約翰觀狀。亟引咎曰。卿殆畏寒。余祇逗興而談。幾忘加火。言已。踞地加煤。爐火又復熊熊。約翰顧夫人曰。今無礙矣。因以臂加其肩而睇之。曰。余因不願以是夢致卿煩惱。是以未嘗一言。夫人驟然微哂曰。然。儂亦不願君復有是夢。即夢亦無關吉凶。儂與君之婚期不已近耶。約翰曰。固然。余意直不能延挨一分時也。

#### 夫人之供狀

光陰如駛。數星期已匆匆過去。約翰康尼與亨德來夫已移居鄉村。日必相晤。約翰固深於情者。對於所愛。祇見其動。而不見其有何缺點。縱其有之。亦且認爲是乃美德。益以夫人之近日。實已大變。非復曩昔在亨德來家之舊時面目矣。約翰既無審察之心理。遂祇覺其快樂。所憾者。祇有一事。即噩夢仍續續不已。約翰既復不耐。以之語於夫人。夫人蹙然曰。儂甚異君何介介於是夢也。君當知。方君之就寢。必惴惴然。以夢見吉木爲慮。而不虞其果然。此蓋心理所召耳。請自後忘却斯事。勿存是思。則夢

當不再見也。約翰聞而深疑之。遂如其語。每臨寢必自勉。勿作入夢之思。意以爲此後當無是夢矣。

兩星期後。二人之婚期愈近。一晨。約翰駕車。御夫人出遊。是日天氣晴朗。長空一碧。微颺徐吹。夫人得意。滔滔然絮語不已。其未婚夫。則寂然不語。狀若有深思者然。夫人方擬致詰。而車已停矣。其地臨大路不遠。叢樹綿茂。林外則日光圍照。雲雀飛噪於田間。夫人因徐問曰。約翰。君何思耶。約翰目注之。現憂色。夫人續曰。得無又入夢耶。語竟。微風過處。竟將其頰上之興致吹去。更低語曰。君曾告儂。謂一星期中。未得是夢。約翰蹙然曰。余爲是言。乃不欲以是累卿。生煩慮也。實則卿苟不願諱言者。此兩星期中。余固無一夕不於夢中見吉木也。夫人聞言俯首。避去約翰之目光。胸間似長噓一口氣。

約翰更注夫人之面而言曰。阿娜。(夫人小字也)余今日御卿於此。將有一事相告。昨於市中。遇看護婦湯墨。此語一出。忽覩夫人眼光中。現驚疑之色。痴坐不動。木木然如僵。側耳而聽。因續言曰。余尙憶其彷彿。蓋吉木病時。嘗曾二三次與之相遇也。余陡念。得毋吉木於施手術前。曾有何信件託彼致余。而彼乃忘之耶。因遂偕彼同騰。乘機向之探問。卿試猜。彼之答余爲何若者。夫人不語。亦不動。雙目瑩然。直注於約翰之面。少停。約翰續曰。彼云。吉木瀕施手術之日。曾畀以一函。乃寄余者。彼以付卿。願卿乃未曾付郵。抑又何也。吉木一年來所欲語余於夢中者。其皆具於是函乎。約翰語氣固溫婉。夫人此時知不能不吐其實矣。含春



之面。陡被以濃霧。因毅然曰。「甚善。固將以告君也。惟請一言以克之。儂因甚悔嫁於吉木者也。儂於彼初無愛情。但有憫惻。而彼因是遂相糾纏。直至允婚之日乃已。時正大戰方始。彼自云。將戰死。儂意彼亦必如是。因委身焉。彼於儂何曾得快樂。彼固懦。儂脅之以威。御之以酷。而彼未嘗有反抗。顧彼雖無一言。儂已知彼於君與儂之互相默契。則悉之已審。記得是晨。忽見看護婦湯墨持一函。云將付郵。然其前一夕。儂固嘗向之請問。彼何以不畀儂。而必畀之湯墨乎。用遂取而讀之。謂君能見斯信。誠不卜將以儂爲何如者。」語至此。夫人狀態忽變而柔順。徐曰。「是信。噫。是信既讀。儂深覺對彼之行爲。似甚過分。然且因是將妨及儂之屬望於君者。儂是時慚恨交作。且誓將懺悔。君如欲見是信者。請憶而述之。」

「老友乎。吾知汝乃深愛斯婦。雖然。汝苟不欲爲斯婦置諸地獄。如吾八年來之所遭者。則慎勿娶之。吾固甚愛之。然願誓於上帝。此後絕不願再見之矣。吾實弱虫。乃爲彼所制。雖然。即非弱虫者。而對於婦人如阿娜者。正亦難期自振。約翰。吾與汝爲至交。知汝尙平等。政益不敢不盡吾忠告。吾於斯世。行且永別。吾自知甚審。謂斯婦而非美至該死者……」彼原

信迄此而止。殆因疲甚。不能續書矣。」

夫人雙手緊握。面如白紙。續言曰。「固知彼之面君。僅在夢中。然自君初時相告。儂即知彼將向君警告。數星期來。儂恒惴惴。懼有一夜。彼或語君以破壞儂前途之幸福。今則果然。儂已失却君子之愛矣。儂爲何如人。君已知之。儂誠置彼於地獄。如彼所云。而儂之所以能然。則儂之美貌。有以成之。一語至此。截然少止。更悲咽曰。「儂害彼有年。而彼乃報復儂以一夢。當也。彼爲君友。義應進忠告。約翰。慎無再話當年之事。使儂難堪。君誠幸運。謂不遇湯墨者……」約翰亟摟之以臂。慰之曰。「阿娜。汝乃聰明女子。何遂作此蠢語。茲事祇緣汝因甚愛我。而不愛吉木耳。其他何關焉。夫人曰。「約翰。汝是否將云。彼雖警告。仍將娶儂者。汝……」約翰亟止之曰。「警告胡足云。余與吉木本爲至友。當彼生時。余偶與之有所爭。亦必決一勝負方已。況僅一夢。庸足問余二人耶。阿娜。慎勿徒自戚戚也。」夫人是時慚感交併。俯向約翰肩頭。悲咽不已。

譯者按。娶美婦而不能得其歡心。則無異置身於地獄。哀哉吉木。願普天下痴男子取爲殷鑒。

## 著名導演家勞合特之最近巨作

(殺華)

▲劇名「海上英雄」

▲攝製費在百萬美金以上

第一國家影片公司 First National Pictures, Inc., 爲美國著名攝

製影片公司之一。近攝成一片。名曰「The Sea Hawk」譯意爲「海鷗」。但讀其劇情。當以「海上英雄」名之較切。爲著名導演家勞合特 Frank Lloyd 氏之最近傑作。茲將此片攝演時之情形。與其所費之浩



繁。及演員劇情等。遂譯於下。俾遠隔重洋之我國影觀衆。在此片本運華前。先得窺見其一班。度爲讀者所歡迎也。

### ▲攝演時之情形

(一)擔任飾演要角之電影明星。計有十四人。隨時雇用以爲輔助之例。外演員。共達三千人。

(二)爲演員預備伙食之廚司。共有七十人。

(三)專事繪樣兼督察裝置佈景之繪樣師。計有七十一人。

(四)導演員與其助手等工作時。在海面上往來過渡所需之四百匹馬力速率之汽輪。計有四艘。


(五)專爲攝影師運輸之船夫。計有六十四人。

(六)當在海面卜攝演時。忽有暴風之兆。於是全體演員及助理演員專事等人。皆渡至凱泰連那島 Catalina Island 躲避。爲時經六星期之久云。

(七)特以重金聘請富有航海經驗之船長七人。專事指導駛行劇中所用之古巡艦(見圖)

(八)劇中有海盜之俘虜。在罰作苦工等幕中。有搖櫓者二百人。皆特甄選而來。故把櫓轉枕等之神氣。非門外漢所能效之者。

(九)在攝演時之最初二星期中。演員等所費之食物。計牛肉二一一八



海『鶴』劇中之古巡艦

磅。乾牛片七一四磅。雞肉三八五磅。鮮魚六〇四磅。鹽肉火腿四一九磅。白啡三八五磅。茶葉一〇五磅。麵包二九一五磅。雞蛋一一一七打。

(十)攝演時有飛機三架。飛翔空中偵察海面上各演員。俾於不測時。可報告霍萊華總公司。至遞傳消息。則籍無線電云。

▲攝演時之最巨費用

(一)古盜船四艘之建築費。共計美金一十七萬五千元。

(二)演員服裝。計費八萬五千元。如以演員之薪資。及一切雜費等。併而計之。總在百萬美金以上云。

### ▲飾演重要角色之十四人如下

劇中人 演員

奧立芙.....Milton Sills

羅賽蒙.....Enid Bennett

約翰.....Marc Mac Dermott

賴華耐.....Lloyd Hughes

彼得.....Wallace Mac Donald

極斯撥.....Wallace Beery

阿賽廷.....Frank Currier

粉旋勤.....(阿妻).....Mme. Medea Razina

麥開克.....(阿子).....William Collier, Jr.



換叔第……Lionel Belmore

哈雷……(阿之副官)……Fred de Silva

蔡瑪納……(阿之親隨)……Hector V. Sarno

約瑟夫……(毛立希之領袖)……Albert Priscoe

西班牙司令官……George E. Romaine

▲全劇情節

有貴族後裔名奧立芙者。戀隣女羅賽蒙。女早失怙恃。依戚約翰而居。約翰對羅賽蒙與奧立芙發生愛情。意至不悅。會羅兄彼得亦出而反對。且面詆奧立芙。與憤甚。誓欲死之。後經羅賽蒙力阻。乃止。未幾。奧立芙之繼弟賴華耐因爭風與彼得尋釁。彼得爲其手刃而死。賴華耐則負創歸。是日適降雪。賴因傷流血。隨其歸途而隕滴。爲途人見。報之於官。循血跡至於奧立芙家。奧乃被捕。既遞其衣驗之。則絕無傷痕。於是罪案不成。但奧立芙心殊不甯。因知此事係乃第賴華耐所爲。恐將來總有水落石出之一日。故緘默不作一語。但賴華耐見奧立芙未被捕。自身仍處嫌疑地位。乃搆通海盜極斯撥。設法將奧立芙擄於盜船。未幾。盜船爲敵黨狙擊。極斯撥與奧立芙俱被囚爲苦役。敵黨亦屬盜藪。惟以盜魁爲西班牙人。故人皆呼之曰西班牙船。奧立芙在此船上。備嘗艱苦。幸數月後。此船被一毛立希巡艦攻擊。艦長曰阿賽廷。一倨傲威勇之阿爾琪立亞人。奧立芙乘機斷其鎖鏈。攘臂助阿賽廷。俄而西班牙人不敵而退。全舟皆覆。阿賽廷嘉奧立芙勇敢。舉之爲副統領。如是者數年。奧立芙由副統領一躍而

爲巴爾巴利之著名海盜矣。沿海濱而居者。盡在其勢力範圍之內。巨艦恆橫行海上。無有敢與之比。由是威名四震。遐邇皆聞。加以徽號回殺克爾伯。意即海上英雄也。西班牙之盜黨。至此咸爲之斂跡。聞其名。即揣揣不自甯。大有談虎色變。草木皆兵之概。

賴華耐自擄奧立芙後。即將暗殺彼得罪。加之其牙。又甘言誘惑羅賽蒙。娶之爲妻。事爲奧立芙聞。率大隊侵入高聳希海口。將賴華耐與羅賽蒙劫至船上。略事審問。即以賴華耐置罪。阿賽廷且欲擄售羅賽蒙。以遵沿例。後奧立芙乃出重價購之。既按穆黑默德之法律。娶強羅賽蒙。阿賽廷亦表同意。時阿妻粉旋勒見奧立芙權勢日長。頗爲妒忌。先是其子麥開克。有謀叛之計。奧立芙所悉告之阿賽廷。乃置之罪。故粉旋勒恨之益深。後阿廷賽與奧立芙同出遠征。亦出粉旋勒之計也。奧立芙自娶羅賽蒙後。自悔孟浪。乃暗中送其登陸。意欲待機以舟送之返英。詎此時約翰已得英政府許可。領兵乘巨艦至。中途遇奧立芙之舟。奧不得已放賴華耐至約翰艦。蓋欲其往告約翰。羅賽蒙已登陸矣。但二舟兵火相迎。經久始息。奧立芙因寡不敵衆。卒爲擒獲。賴華耐則受重傷。最後奧立芙臨刑時。賴華耐一息僅存。惟天良忽現。將手刃彼得事。盡情說出。於是奧立芙之罪始大白。羅賽蒙仍與之成夫婦云。



原文献残缺